

增補甘泉縣志

拾函

地 273 冊  
39 冊  
卷 1-10



增修甘泉縣志卷之十

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

古蹟下

月觀

月觀風亭吹臺琴室並在宮城東北角池側 名勝志

永初二十年徐湛之為南兗州刺史廣陵城北有陂

澤水物豐盛湛之更起月觀風亭吹臺琴室果竹繁

茂花藥成行招集文士盡遊玩之適 南史本傳

增修甘泉縣志

卷之十

古蹟下

大業十年煬帝至江都命殿脚女吳絳仙等使備月

觀觀即徐湛之舊址一夕乘月來幸凭蕭后肩說東

宮事曰昔年曾效劉孝綽為離憶詩頗記否后即誦

曰憶來時欲來剛不來卸粧仍索伴解佩更相催博

山思結夢沉水未成灰憶起時投籤初報曉被惹香

熏殘枕隱金釵裊笑觀上林中除却司晨鳥帝日日

月邁征今已幾年事矣 大業拾遺記

續志考正月觀南史徐湛之傳有風亭吹臺琴室

並一時所築不應單標月觀一處

制勅院



唐天復二年以李儼爲江淮宣諭司至揚州楊行密  
建制勅院有封拜輒以造儼通鑑

### 宋倉場庫務

昔在宋時建制闔於揚事大體重既兼州事調度浩  
繁仍兼鹽司財計可以那融倉場庫務尤多倉有常  
平屯田椿管大軍平糴交受趙節齋又建百萬倉庫  
有軍資激賞錢物分制司帥司有犒賞公使者四又  
有受給排辦足物等庫酒庫有都造公使整暇集思  
場有都木造船製造備禦柴場十椿積柴二販賣柴  
場二灰場三馬草場三都作院麩院糯米場猪場鹽

### 增修甘泉縣志

#### 卷之十

古蹟下

二

醬場便民解庫惠民藥局今皆久湮未詳所在

庶齋  
老學

叢  
談

### 甲仗樓

新城有甲仗樓晉謝安建

名勝志

唐張籍甲仗樓詩謝氏起新樓西臨城角頭圖功百  
仗麗藏器五兵修締構榱葢固虛名戶檻幽魚龍卷  
旗幟霜雪積戈矛暑雨歛蒸隔涼風宴笑留城高雲  
出沒山靜氣清悠睥睨斜光徹欄干宿靄浮芊芊稭  
稻色呱呱苑溪流郡化王丞相詩成沈隱侯居茲良  
得景殊勝峴山遊

張文昌集



文選樓

煬帝嘗幸昭明文選樓車駕未至先命宮娥數千人  
昇樓迎侍微風東來宮娥衣被風綽直泊肩項大業拾遺記

文選巷卽其處也煬帝常幸焉今太平橋北旌忠寺  
乃其址廣陵圖經

帝子去兮空文選之樓王觀揚州賦

曹憲仕隋爲秘書監以文選教授生徒李善魏模輩  
皆出其門所居名文選巷明一統志

唐楊夔文選樓序文選樓者梁昭明太子選文之地

增修甘泉縣志

卷之十

古蹟下

三

時逾四代年將五百清風懿德藹然不泯況廣陵乃  
隋室故郡遺事斯存求之於今陳跡盡滅樓猶巍巍  
久而益新詎非以學而立道者道則不朽以文而經  
業者業則不磨乎文苑英華

國朝王猷定重建文選樓碑委宛之山有石匱焉赤珪  
日碧珪月其文金簡玉字故名其地曰秘圖壺關抱  
犢石室中素書不辨其字若成紀畫卦之臺無字也  
雪後見卦痕耳而其地皆傳文選樓能與三者皆不  
朽與六經非聖人作文也不得已而有文而後世乃  
以爲鞏輓古今選人尊孔子然能刪詩書不能刪易



一縱一橫何可刪也至于翰音車鬼剗羊噬矢類詭  
奇矣而亦不能刪何也象也象也者非事言所可盡  
也故存之韓子曰奇而法者莫如易無論虬戶銑溪  
澀體可黜卽踦羸首贊部洲方家元擬易矣然有氣  
無朔紀日紀月成何道耶孔子序書止百篇刪詩止  
三百篇亦曰取其可信可傳筆諸經耳乃穆王作君  
牙伯冏三書用人訓刑稱賢君焉後世信稗史不信  
聖經謂鉞山黃竹意不在天下而甘泉羽獵之徒靡  
不誇瀛洲方丈以爲西王母欣然上壽也選而可存  
歟不可存歟更其大者鹿鳴天子所以燕賓客也而

增修甘泉縣志

卷之十

古蹟下

四

橫槩僭詠聖君臣子所以翌皇極也王粲從軍之什  
尊操而忘漢何耶詩有關雎螽斯蝓蝓相鼠貞淫各  
有所取先王明庶物察人倫故別其微焉若南都鸕  
鷖鷓鴣同載三都洪桃妖髣並陳又何說也誠然文  
選何以立學余嘗攷其讀書處爲文選者有五而宗  
選學者恒推江都李善敷析淵洽李邕附事見義五  
臣不如也仲尼曰君子博學於文文者貫道之器也  
天地機祥盡悉人事興廢盡究籍田郊祀之禮盡陳  
山海之文盡知而又下及蟲豸草木欺獫狁類一物  
已上莫不關會脫朝廷詒一物一事不能舉以對則



號稱博學宏詞者當其罪嗚呼孰謂文與道二耶昭  
明元良之未究者也其臣下之與選者止劉庾輩跡  
其址尙不如延平嶽麓談經爾雅之地更千年故國  
歌鐘蕪城荒葛帝子空樓長寒蓼耳而升其墟者猶  
叩寂寞以求音闌壇墮而俎豆若是者何也帝子悲  
懷兼慕蔬膾不溢止于孝矣又于民也矜恤庶獄多  
所全省以至雨雪周行閭巷施襦袴備轎輿輦下歌  
慈惠焉以是包舉藝文充積勝帙文也幾于道矣且  
世之言選者曰類治兵尉繚子殺其士卒之半則天  
下無敵揚處道對敵不能陷陣無多少悉斬之登斯

樓曰必若是可以稱選鋒東宮卷三萬也名才並集  
文學之盛晉宋以來未有也其所存止文選三十卷  
爾存三十而去二萬九千有奇此二萬九千有奇者  
弗與矣幌氏練絲七日夜不倦桃人鑄金也務竭其  
氣自黑濁黃白以底純青繇文註經繇經合道樓之  
傳所以永歟嘗謂六經之道閱肆尊顯散列于天下  
風之靡也繇于知有麗文不知大文之彌朴太子文  
行交至啟土而祀之歲月日時具黍稷進鷄羹拜瞻  
更集邦之秀民萃止樓下想見元良叡哲敦倫樂善  
不亂于百家不蔽于枝葉易曰觀乎人文化成天下



其在茲乎樓在太平橋北凡四楹始于庚寅端月成  
某月日文命聿新爰祀司命之神于上

四照堂集

國朝王貽上文選樓詩何處登臨起暮愁蕭梁人代幾  
悠悠心悲寶誌詩中語淚灑維摩江上樓元圃風流  
人已盡蕪城日落草先秋銷沉故蹟遺書在佛火寒

鐘對暝流

漁洋詩

魏嘉琬九日登文選樓詩草草心期亦戀留塵容免  
笑沐冠猴一秋好事能澆菊九日登高喜上樓落木  
寒蟬銷帝業暮烟殘雨畫揚州短歌橫笛悲來盡手  
落霜螯已醉休

咀蔗菴集

增修甘泉縣志

卷之十

古蹟下

六

萬厯志陸弼云梁武帝破臺城後昭明始生未幾卽  
立爲太子文選一書乃東宮時所編次于揚州無預  
也今襄陽亦有文選樓京口常熟各有讀書樓當時  
昭明以天逝何能徧厯吳楚築樓與臺隨地著述耶  
或因其人以爲地重而假借之也

永寧樓

太建十一年春正月丁酉有龍見于南兖州永甯樓

側池中

陳書元帝紀

續志考正此條已見祥異類

迷樓



煬帝於揚州作迷樓今摘星樓卽迷樓之舊址南部烟花

錄  
煬帝時浙人項昇進新宮圖帝愛之令揚州依圖營建既成幸之曰使真仙遊此亦自當迷乃名迷樓古今

詩話

煬帝晚年尤沉迷女色他日顧近侍曰人主享天下之富亦欲極當年之樂自快其意今天下安富外內無事此吾得以遂其樂也今宮殿雖壯麗顯敞苦無曲房小室幽軒短檻若得此則吾期老于其中也近侍高昌奏曰臣有友項昇淞人也自言能構宮室翌

增修甘泉縣志

卷之十

古蹟下

七

日詔而問之昇曰臣乞先進圖本後數日進圖帝覽大悅卽日詔有司供具材木凡役夫數萬經歲而成樓閣高下軒窗掩映幽房曲室玉欄朱楯互相連屬回環四合曲房自通千門萬牖上下金碧金虬伏于棟下玉獸蹲于戶傍壁砌生光瑣窗射日工巧之極自古無有也費用金玉帑庫爲之一虛人誤入者雖終日不能出帝幸之大喜顧左右曰使真仙遊其中亦當自迷也可目之曰迷樓迷樓記

煬帝建迷樓擇下俚稚女居之使衣輕羅單裳倚檻望之勢若龍舉又爇名香于四隅烟氣霏霏常若朝



霧未散謂爲神仙境不我多也樓上張四寶帳帳各異名一名散春愁二名醉忘歸三名夜酣香四名延秋月粧奩寢衣帳各異製

大業拾遺記

小說有迷樓記一卷謂煬帝建于京師煬旣殞于江都唐太宗提兵入京師見迷樓謂眾曰此皆民膏血所爲也下令焚之火經月不滅顏師古著隋遺錄則謂煬帝建迷樓於江都二說不同未知孰是東坡詩云江都樓成隋自迷白太素揚州詞云迷樓固應不見問瓊花底事也香銷許有王迷樓賦所指陳皆江都之事意皆本諸師古然迷樓記序前後顯爲可據

增修甘泉縣志

卷之十

古蹟下

八

而諸公咸不之從豈以江都爲煬廣敗亡之地而迷樓實其荒淫之跡故所取信必於顏氏耶

兩山墨談

宋李綱迷樓賦并序煬帝作迷樓於江都鐘鼓嬪嬙不移而具迄今舊址存焉因讀杜牧阿房宮賦感其事作賦以弔之其辭曰隋室方隆削平萬國侈心一開弗安厥宅鑿爲汴渠導河之流曲折千里放於淮陬鳳蓋霓旌錦帆龍舟決意東幸江都是遊窮奢肆欲爲建迷樓維樓之制眾巧所聚凌雲摘星飛雲宿霧玉柱金楹千門萬戶複道連繇洞房迴互翠華戾止杳不知其何所于是選夫燕趙之女吳越之姬明



眸皓齒豐頰秀眉娥媚曼睽窈窕融怡被阿錫曳齊  
紈粉白黛綠鳴佩鏘環者充牣乎其間列笙篳羅鐘  
鼓吐清歌呈妙舞以樂之桃李妍芳耀新妝也蕙蘭  
芬馥泛天香也雪舒霞卷繡絳裳也燕語鶯啼舌笙  
簧也振木飛塵歌聲揚也迴風流雲舞袖翔也雷霆  
間作金奏鏘也日日薦玉食旦旦獻玉衣隨意所往  
恩幸則移晷夜寒暑高下東西漠然不分茫然不知  
矧羣臣之賢否庶政之是非生民之利病天下之安  
危盜賊斥乎寰宇鋒鏑及乎宮闈身死人手雖悔何  
追嗚呼噫嘻方其虜陳後主戮張麗華誅三佞人以

謝天下一何壯也及其師喪遼東禍肇元感荒淫不  
返卒以弑殞又何憊也蕪城之側故址猶存狐兔之  
所窟穴鼯鼯之所呻吟宿露梗莽風淒日曛過而覽  
者莫不躊躇而悲辛與夫瓊室喪夏鹿臺亡商吳之  
姑蘇秦之阿房足以致亂于當年垂戒于萬世者蓋  
同出于一轍也我作斯賦以弔千古之非而爲後來  
者說也

梁綰文集

元許有壬迷樓賦予總漕政廣陵禱雨雷塘掾曹汝  
霖從歸途說江都廢興荒煬始末周覽山川闐闐樓  
居之盛而又及迷樓焉傷而賦之其詞曰有樂不懸



積塵斷絃有美不御老醜備前于是前星晦乎其無  
光少海一變而爲田矣天厭隋祚憂不在敵胎于心  
腹成于肘腋以五子一母列據雄鎮爲可恃而不知  
大都偶國爲禍之尤劇方荒煬之好學接士也固無  
辨其真僞及其留麗華而怒高頰則惡緒已暴于中  
外惜猛虎之不知竟爲毛間蟲之所噬黃腸甫湊金  
合已賜塵聚居廬龍飛天位弛然自放於九重之上  
天地萬物無一物之可畏遂肆心於巡狩傳粉深宮  
笑江東之諸帝車轍馬跡將遍九州北巡榆林旣讐  
其酋耀兵河右黷武東陬引汴水開邗溝置離宮造

增修甘泉縣志

卷之十

古蹟下

十

龍舟伊江都之勝麗詎一豫而一遊天亦厭乎我民  
欲一旦而盡劉百萬億之蚩蚩乃生項昇之巧萃倕  
般於心匠委財幣於電掃按圖締構不日成之璇室  
愧陋摘星笑卑傾宮謝侈阿房讓奇章華姑蘇撮土  
何施建章柏梁廣猶可稽叔寶三閣華而不微軼古  
罔後舉莫我夷於叔靡曼于粲珍瑰寶帳散愁而延  
月復有酣香而忘歸亂晝夜於多景鬱烟霧之霏霏  
晶熒奪目孰辨遠邇縈紆倚足曷明東西巢燕亦惑  
乎網戶車羊尤眩乎竹枝弄臣肆誤以資笑阿媼雖  
習而猶疑入者罔識其所從出者莫省其所蹊一蟻



逐肉林之臭一蜂憊花鳥之飛蠅遭拍浮而醉不可  
解舟入溟滓而維無所施又如鷓鴣不能悉鄧林之  
樹小鮮豈暇窮滄海之涯俊娥孰何妥之車錫名實  
來夢之兒下俚稚女孰究其姓字如侯夫人之死者  
蓋漫不知吁嗟獨夫心蕩神疲尙能名之可謂曰迷  
昔在帝堯法宮是作舜闢四門以撤壅遏明堂政令  
辟雍禮樂究儀資訓德修罔覺遠不軌與不物實儀  
型之攸託三苗羲和昏迷致兵政教不迷在書可徵  
威儀卒迷詩興刺懲盤盂几杖微且有銘異哉茲樓  
以惡著稱謂真仙亦迷于此地何處通突至不迷于

厥行向使中原無叛天復假齡殆將作七千五百里  
之臺而盡糜天下之蒼生矣人不知過或肆無忌苟  
知其非敢作而遂觀其引鏡念頭頸之且研觀天識  
圖儂之將至旣灼然而自知乃確乎其自棄蓋柔終  
而無改過之勇厚極而有難開之蔽迷于心者若是  
其大迷于樓特其細也高岸爲谷深谷爲陵樓傾土  
平傷哉蕪城乃爲之歌曰蕪城蕭蕭兮草離離繁華  
漸盡兮瓦礫不遺昔之迷不可復兮無俾世迷主塘小稿  
隋煬帝迷樓歌宮木陰濃燕子飛興衰自古漫成悲  
他日迷樓更好景宮中吐艷變紅輝



宋曹勛迷樓歌項昇出南國技巧多淫思草圖獻天子賞激嘉宏規瑰材蔽江海斤斧或風雷千人扶一棟萬棟高巍巍飛鴻厯層簷雲雨生堦墀五彩間金玉百和雜塗坭仙葩粲楹拱七寶裝雲楣一房百家產萬戶羅東西龍綃開寶幄簾幕垂珠璣光景豔流日樓閣低天維笙簫動虛籟管絃明歌姬撞鐘擊鼓恣行樂牙檣錦纜環江隄天長地久有時盡君王此樂無時衰詎知變故起倉卒不悟人迷樓不迷君不見秦皇愛阿房死葬驪山側煬帝愛迷樓死葬迷樓北乃知生者魂卽是死者魄生死在迷樓一死良自

得只應來夢兒夜夜猶相憶

松隱文集

明張萱迷樓詩廣陵佳麗帝王州鳳舸龍輿幾度遊往事最憐隋大業東來天子幸迷樓迷樓縹緲垂楊市飛棟浮瑩三十里千門萬戶紛蔽虧碧海扶桑宛相似不數崇霞館莫擬阿房宮琅玕飾棖題翡翠雕簾櫳銀臺碧樹杳何許寶礎奇花路幾重曲曲朱闌金瞰蜿沉沉綺障玉盤龍盤龍瞰蜿吹香霧飛入迷樓不知處閣道氤氳白晝昏惟有春風自來去春風爛熳春日然不及迷樓春更妍但願朱顏傾一國卻忘玉樹怨當年水調裁淫魄集羽譜嫵娟銅龍燒燭



膩金虎蹙紅嬌萬斛熒熒高照夜銀河倒捲樓頭瀉  
酣香帳底花正眠含情已望迷樓下徵書夜夜下昭  
陽紫髯郎將促新妝民間有女不敢嫁娥眉宛轉侍  
君王君王歌舞美韶華掃天紅粉凌朝霞坐垂蚊曉  
猶嫌影妝對芙蓉不讓花烏銅屏射雲烟裊珊瑚枕  
墜金釵小月下初乘任意車樓頭欲卻司晨鳥熬盡  
名香恨轉癡司晨鳥去莫教啼憐愁笑傍司花女索  
伴嬌嗔來夢兒皓齒明眸鬪媚嫵背儂顧影調鸚鵡  
呼來如恨亦如羞妝底迷雲亦迷雨迷雨暮還暮迷  
雲朝復朝娟娟望春月脉脉聽春潮春月春潮憐故

園一片迷魂歸未得鬼聲夜半哭潮頭迷樓白日無  
顏色吳公臺下草蕭疎回首迷樓春易徂爲問彭城  
數尺帛何如三十六封書古來成敗皆如此朝霜秋  
葉東流水君莫悲南河楊君莫歌北地李獨憐歌舞  
噓作烟血光萬丈連天紫山陽瀆口悲風起白日欲  
裂黃雲死我今醉唱迷樓歌雄劍酸嘶柰若何木落  
邗溝生白波吁嗟乎啼蛄弔月絡緯織野燐晝舞狐  
起立澤葵秋老紅蘭泣君不見咸陽古道傍殘碑寂

寞苔錢蝕

西園全集

鑑樓



鑑樓卽迷樓崔桐扁曰鑑樓

東洲集

明崔桐鑑樓詩樓名何事改標題爲洗隋朝舊日迷  
簾捲兩儀分氣象臺虛萬里見端倪翠華塵斷孤鴻  
外白社僧閒曲水西自是登臨好情景不辭朋舊數  
招攜

東洲集

迎仙樓

樓在節度邸跨河上唐高駢建

名勝志

高駢建迎仙樓高八丈飾以金珠璫玉侍女衣羽衣  
新聲度曲以擬鈞天薰齋其上

唐書本傳

摘星樓

增修甘泉縣志

卷之十

古蹟下

十四

樓在城西角江淮南北一目可盡

輿地紀勝

紹聖二年晁補之坐修摘星樓不覈實支省錢謫通  
判應天府

宋實錄

賈似道築寶祐城建樓於上扁曰三城勝處後有摘  
星亭摘星臺皆其處也

萬歷江都志

續志考正摘星樓後又有摘星亭本一地也皆迷  
樓舊址以樓亭互名層疊三見

鳳皇樓

隋煬帝建在廣北鄉鳳皇池側

十道圖

騎鶴樓



樓在府東北大街 輿地紀勝

昔有四人言志一願為財一願為揚州守一願為仙  
一願腰纏十萬貫騎鶴上揚州因建樓以記其事 太平

廣記

### 佳麗樓

東酒庫在大市之東一名壺春園內有佳麗樓規模  
軒敞江南諸山拱揖在目亦一郡之勝也 寶祐志

### 籌邊樓

郭棣知揚州即故城遺址建樓曰籌邊倚闌舒眺見  
百里秋毫以杜他日伏戎之患 方輿勝覽

增修甘泉縣志

卷之十

古蹟下

五

郭棣知揚州濬九曲池建樓名曰籌邊 宋名臣言行錄

### 卷書樓

高宗駐蹕揚州以提刑獄公廨為尙書省禮部在西  
北隅卷書樓下 北山集

### 涼樓

在縣治之西 萬曆縣志

### 水晶樓

在州治常衙廳之後李曾伯建賈似道撤而新之 嘉靖  
維揚志

### 皆春樓



舊名大安樓在大安橋南

寶祐志

樓在開明橋之西宋寶祐間賈似道重建

名勝志

慶豐樓

使酒庫在大市東即今慶豐樓

寶祐志

十三樓

淮南樓

宋揚州治在大城西北隅即子城之南以為譙門鄭興裔建樓其上扁曰淮南

嘉靖維揚志

文昌樓

在縣治東文津橋上

萬歷縣志

增修甘泉縣志

卷之十

古蹟下

六

嘉會樓

鎮淮樓

在城南門上宋時建規制甚宏壯

萬歷縣志

國朝王士祿鎮淮樓詩鎮淮門旁春酒船雙槳劃波晴

日前解道紅橋好風景遊人齊問郭西邊

考功集

淮海樓

宋帥相郭棣即揚州南城為淮海樓借客落成高郵

陳造為賦

名勝志

宋陳造淮海樓賦娛暇日以登覽兮若斯樓之巨麗  
暝簷影於空濶兮循雕欄而徙倚目定眎而猶眩兮



足伫立而竦猓棲浮靄於朱薨兮遲義馭於平楚來  
禽去鴈却畧跼踟躕而振去兮霧霏幕奕蒼聿而在下  
陵迴漢而拳飛雲兮騫鵬舉之垂天頰萬井而數計  
兮挹峰磴之橫前吳封楚甸間列疊出而自獻兮納  
納未愁明霞斷烟訝海門之塊峙兮眇浮玉之一拳  
演江流之橫界兮衣帶之紆餘修蟒之蜿蜒曠莽恢  
大四向而無際兮筵衽席而瞭然我遊武昌載登南  
樓想元規之遺躅泊典午之清流緬懷仲宣登樓有  
作顧臨眺之信美終回皇而靡樂孰知夫曠千載而  
相望叵賢否之俄度惟汾陽公分君相憂功存宗祧

身臨邊陲屹控阨之巨防躬熙代之康侯靜鎮榆塞  
創爲茲樓將歷覽而俯省日所圍之備周深計遠圖  
寧爲觀遊彼擁扇而障塵每解顏而借羞揮旌纛而  
少弭肅賓僚之濟濟匪晉公之儀曹外郎陳思之程  
楊應劉疇獲偕此玩面勢之隆崛瞰山川而顧指表  
桑麻中夢宇揭舒畫軸兮對主賓之燕喜借胡牀于  
末席容霜毛之客子儕氓屢而分惠殿羣英而薦醴  
浩逸興之漂蕭豁幽懷之憑虛倚北戶以微睇儼桑  
粉之弊廬新色笑於犀塵陪觴詠於晨晡斬依劉之  
羈棲會愴惻之不無訂休戚於今昔詎劣優之錙銖



夫此眾君子之所扳援遇逢之厚幸願餘瀝之丐予者也羗勝集之超然寧飫宴之云計究樂事之攸寓後謫仙而鮮繼進贖命賦合辭一喙泚吾筆而長吟颯天風之搖袂

江湖長翁文集

### 明月樓

元時淮人趙氏富而好文嘗以詩賦私試士亦有狀元進士等第試畢設燕各贈金銀酒器以名次爲差其家有明月樓以金壺及杯盤餉趙子昂求書春聯子昂題曰春風闔苑三千客明月揚州第一樓當時以爲絕唱夫趙氏以貨利誘士而士皆樂就其試又增修甘泉縣志

### 卷之十

古蹟下

十六

私爲等第而官不之禁元時政令之弛士習之卑亦可見矣

濯纓堂筆記

國朝桑豸明月樓詩綺食瓊杯闔苑遊王孫題詠醉揚州而今何地無明月却少春風第一樓

編年詩存

### 瞻雲樓

樓在大東門外童平章衙鎮南王父阿只建

嘉靖維揚志

### 賞心樓

揚州有賞心樓

孔氏六帖

### 西閣

大業十三年煬帝幸江都宇文化及授裴虔通兵至



成象殿從西閣執帝弒於宮中

隋書

### 彭城閣

彭城村煬帝建閣其中名彭城閣閣中有溫室先是開皇末有泥彭城之謠至宇文化及之亂帝果遇害於此

大業雜記

### 延和閣

高駢建延和閣于廳事之西高八丈飾以珠玉綺窻繡戶殆非人工每旦焚名香列異寶以祈王母之降及畢師鐸亂人有登之者于藻井垂蓮之上見二十八字云延和高閣上干雲小語猶疑天上聞燒盡降

### 增修甘泉縣志

#### 卷之十

古蹟下

九

真無一事開門迎得畢將軍此近詩妖也

廣陵雜志

### 雲山閣

宋呂申公守維揚時建落成正值中秋燕客其上宋熙寧間陳升之建雲山閣于城之西北隅後呂公著嘗宴其上洎熙寧鄭興裔撤玉鈎亭增大之命名雲山觀後廢寶祐間賈似道鎮淮之五年復雲山觀于小金山

寶祐志

### 雪薌閣

閣在府治正堂後移揭於郡圃以亭名

寶祐志

### 芙蓉閣



在揚州廳後曾致堯詩參差紅菡萏迤邐綠菰蒲沙鷺窺吟榻風蟬入座隅

一統志

水館

爭春館

揚州太守圃中有杏花數十畷每至爛開張大宴一株令一倡倚其旁立館曰爭春開元中宴罷夜闌人或云花有歎聲

揚州事迹

秋聲館

余銜命渡淮入廣陵界維舟野次縱步至一村圃有碧蘆方數畝中隱小室榜曰秋聲館時甚愛之不知

增修甘泉縣志

卷之十

古蹟下

三

誰家之別墅意主人亦雅士也

清異錄

淮揚館

在城右北廂迺北使往來聚食之所前立四亭臨漕渠以便登陟

嘉靖縣志

會館

揚州梅花嶺上有樓臺池館東西翼以諸州縣公署

曰會館

名勝志

新亭

宋大明三年竟陵王誕據廣陵沈慶之進軍新亭逼之

南史本傳



新亭在蜀岡上

讀史方輿紀要

木蘭亭

在城北七里蜀岡之麓煬帝嘗起木蘭亭於九曲池

上寶祐志

九曲亭

藝祖破李重進駐驛蜀岡有龍鬪於九曲池上命立

九曲亭以紀其事

九朝錄

宋沈括九曲池新亭記建隆元年太祖親討李重進之亂駐蹕於城北使石守信破壁取重進重進以火死揚州既歸後因卽其地以爲原廟天子歲五遣使

增修甘泉縣志

卷之十

古蹟下

三

獻詞以家人之禮進于廟下揚州刺史率其官屬月再朝焉嘉祐八年詔以直史館丹陽刁公守揚州當淮南大水之後民艱不支歲籍不入公以惠和慈仁康集勞來直心正身修明百職文武賓吏各率其業罔敢怠傲民卒用寧歲以太康乃以吉日巡視宮廟按垣揆室曰此上聖所以眷賜我邦休有惠烈寶冒邦土祠事弗虔無以報稱廢徹無所神惠不歆於是墁甃丹雘黻脫黠黠一新以爲環麗宏絜而又治其北垣蜀岡之淵廢宮之墳哆其故堂博而新之對峙二亭臂張于前木茂泉清鳧鴈與與光氣上下朝霏



夕陰浮動於檐櫺之間而不知其有故宮廢苑荒榛斷蔓之可悲也治平二年二月之晦工徒告休公將勞成於是屬其參軍事沈某考詞於碑而繼之以詩曰昔在建隆天子有征環揚有師盜不敢膺體磔肩分孰爲肘肱推其中軍車裂馬騰截截疆場炎不可薄旣扼其吭附者益落士勵而奮高噪大躍車盤轂交有萬其羣氣抑不揚投兵而奔我師蹙之潰其國門軍於其軍持其大醜徇於淮人天子在師將以武克不驚不愆以殞元慝有赫在天降則在廟孔威有神綏我億兆公在朝廷崇事有嚴卒奠以出龍旗纖

增修甘泉縣志

卷之十

古蹟下

三

織廢無燕私其福不下公作新亭以御罇竽諸臣友朋孔燕俟俟我邦有休公實來爲不泯有考我公之思

長興集

水亭

在揚州城北隅

名勝志

唐獨孤及揚州崔行軍水亭泛舟望月醺集賦詩序言同者無約束而信心同者未謔浪而樂聲應情至則不俟外獎况遺言之言造適之笑與杯中物池上月風中絃五者合以貺余歡其可勝旣乎于時眾君子棲公翰林如翔鳥之得茂樹也至是登於仙舟泳



彼新流掇芳翫奇以永今日日不足故用夜漏繼之  
羽觴未及數覆銀河橫而金波上樂作神王百憂如  
失而絃繁管清悲歡交乎其間則高歌爭進或道舊  
以泣酒酣意真樂極感至故也當斯時視身後之竹  
書鼎銘猶秭米芻狗也况細故乎二三子醉猶能賦  
且酌且詠余屬而和之其詩曰明月借秋興流光在  
此池山公顧我厚醕酌稱未疲勿謂嘉會易但憂離  
別隨飽君醉中德敢使私心移

毘陵集

按馬令南唐書稱徐知誥築亭于池中以橋  
度至則撤之又爲高堂不設屏障獨與宋齊

增修甘泉縣志

卷之十

古蹟下

三

邱終日擁爐畫灰爲字旋卽平之則南唐所  
築別有一亭非揚州崔行軍水亭且非獨孤  
及所建明矣新舊諸志皆引知誥而以爲獨  
孤所建想未考毘陵詩序故承譌至今耳

賞心亭

咸通中丞相姑臧李蔚拜端揆日自大梁移鎮淮海  
以其郡無勝遊之地命於戲馬亭西連玉鈎斜道開  
闢池沼并葺構亭臺都人士女得以遊觀一旦聞浙  
右小校薛陽陶監押度支運米入城公命陶同遊問  
及蘆管之事陶因獻陸鬯元白所撰歌一曲卽于茲



亭奏之其管絕微每於一鬻築管中常容三管也聲如天際自內而來情思寬閒公大佳賞贈詩有云虛心纖質雁銜餘鳳吹龍吟定不如亭未有名因名賞心自秦畢陷逆乃爲芻豢之地

桂苑叢談

建康有賞心亭揚州亦有賞心亭名雖同而顯晦異

清波雜志

唐成都有散花樓河中有熏風樓綠莎廳揚州有賞心亭鄭州有夕陽樓潤州有千巖樓並稱一時之勝今皆易其名或不復見

春明退朝錄

玉鈎亭

增修甘泉縣志

卷之十

古蹟下

十四

元和中相國李夷簡以衙內每晚見初月於此因建亭名玉鈎皇甫湜爲作記

燕吳行役記

碧筠亭

高駢鎮淮南立碑刻頌迎置碧筠亭

廣陵雜志

延賓亭

徐知誥爲淮南節度使起延賓亭以待四方之士引宋齊邱駱知祥王令謀爲館客士有羈旅於吳者皆齒用之

馬令南唐書

烈祖輔吳日與諸侯會射延賓亭

南唐近事

竹西亭



淮南蜀岡者維揚之地也或曰勢連蜀土或以產茶  
味如蜀茶云自蜀岡之南有竹西亭修竹踈翠後卽  
禪智寺也竹西取杜牧之誰知竹西路歌吹是揚州  
句自蜀岡以南景氣頓異似風至此遂絕古今詩話

亭在禪智寺前官河北岸寶祐志

向子固易名歌吹亭名勝志

陸弼云亭經紹興兵燹周綜重建復舊名不知何時  
移置南遂爲急遞鋪舍歲久亦圯萬厯丁酉知縣張  
公復創亭于北岸皂角樹側因祀宋竹西王先生於  
中表鄉之典型也且使杜舍人遺躅千載之後還舊

增修甘泉縣志 卷之十 古蹟下 三

觀豈偶然哉萬厯縣志

無雙亭

揚州后土廟有瓊花一株宋丞相郊構亭花側榜曰

無雙聞見雜記

揚州瓊花天下祇一本士大夫愛重作亭花側扁曰

無雙山房隨筆

自淮南遷東平移后土廟瓊花植於濯纓亭此花天  
下只一株耳永叔爲揚州作無雙亭以賞之劉敞移  
瓊花詩

春貢亭



蜀岡有茶園茶甘旨如蒙頂故以名岡上有時會堂  
春貢亭見毛文錫茶譜

太平寰宇記

續志考正即後茶園

觀風亭

景祐三年七月己卯至于揚州遇秀才廖倚夜與倚  
及子聰飲觀風亭

于役志

遡渚亭

辛巳與伯起飲遡渚亭會者集賢校理王君玉大理  
寺丞許元太常寺太祝唐詔祠部員外郎蘇儀甫

同上

美泉亭

增修甘泉縣志

卷之十

古蹟下

三

歐陽修建鄭興裔重修

萬歷縣志

轉沙亭

揚州太守閻邱惠會僚友於轉沙亭集境內漁戶令  
曰所得魚多者有金帛之賞有一漁人以肉物作塊  
散懸于網上取魚倍眾力凡十網得魚三千六百無  
甚小者眾慚而退太守詢之曰魚喜鹿胎之香適散  
懸者乃此物也下網召之萬魚畢聚矣

揚州事迹

斗野亭

邵伯鎮有斗野亭以揚州分野屬斗也

輿地紀勝

舊在邵伯鎮梵行院之側

名勝志



昔年過邵伯埭登斗野亭見梁間題曰地勢如披掌  
天形似覆盤三星羅戶牖北斗挂闌干晚色芙蓉靜  
秋香穠極寒更無山礙眼剩覺水雲寬此劉燾作蓋  
盡得斗野之景物也

庚溪詩話

### 勸耕亭

在州治淮海堂後每歲仲春出郊勸農寓於上方寺  
慶元五年郭杲建亭於寺之前移亭扁揭焉

寶祐志

### 環碧亭

寶祐中賈似道卽環碧亭址重建雲山閣

名勝志

### 摘星亭

## 增修甘泉縣志

### 卷之十

古蹟下

三

### 迷樓舊址

樂城集

### 申申亭

宋揚州進士滿涇築

嘉靖縣志

宋王令題滿氏申申亭詩申申亭者名自誰河東丈  
人身名之方其作亭自休息固欲申暢名其題雖然  
自奉頗優樂豈敢兼忽當世爲君曰所憂非所及因  
以遜世無悶辭丈人疎高喜自適去不限約來無時  
門無賓僚車馬絕室有几杖衣冠歛夜徑行招海月  
伴書榻坐與天雲期春林暄和鳥聲好勝聽俗論相  
啞啞塵埃縱爾得風力卒不到此徒自飛亭前朱朱



有冶態亭下白白無俗姿好木留存竟見實惡草鋤  
拔無容茨嘗聞景勝未易敵須有大句相參差故吾  
經年不敢往日望詩老力可支偶來爲遊適已晚花  
梢尙有餘春遺高哦遶樹惜時節拾嚼紅片行透遲  
回看北林竹萬个寒翠欲起凌人威清風時來助氣  
勢塞甲夜聚言語私方將投閒日來此腳踏樹下成  
交蹊無端塵土又爲隔明日跨馬西北馳心思夢好  
定頻到不必直俟歸風吹 廣陵集

### 羽揮亭

在城東北郭杲穴城作門面水架亭扁曰羽揮 萬曆江都

### 增修甘泉縣志

### 卷之十

古蹟下

三

志

### 借山亭

在九曲池北宋馬仲甫於九曲池買地築亭名曰借  
山有詩云平野綠陰蔽亂山晴黛浮後亭廢向子固  
重建

### 波光亭

亭在西門外九曲池側乾道中周淙建後廢慶元間  
郭杲浚池建亭於其上有陳造賦王禹偁詩 南畿志  
宋陳造波光亭賦汾王後身金阜老仙笑談功名師  
友簡編手神丹而活國身長城而護邊虎節所臨犢



佩已捐興仆振蠱終古所傳有亭屹立城闈右偏插  
深池之清泚凌蒼靄而高騫面勢之孤危簷榮之躔  
連在公之設張經畫纔太倉之秭米已度越乎後前  
相旌燾之每臨宛笙鶴之雲駟賓從嫋嫋笑歌嬋娟  
埽亡國之淫哇奏新唱之清妍泛淑景之香紅春秋  
冬夏信非我有而我安與之周旋佳月上兮闌水奩  
凝風動兮媚淪漣撫物而得之應世之心池月之湛  
寂緯武有文風漪之自然推此用之躋世三五軼勲  
四七將俯拾而需旃是猶衡氣機也耶世識之規恢  
之後吾得之拱默之先彼不知者方以吾爲億中而

增修甘泉縣志

卷之十

古蹟下

三

或者必予其知言

江湖長翁集

玉立亭

竹心亭

一名半山在借山亭下茂林脩竹間淳熙二年吳企

中建

萬曆江都志

採芹亭

元揚州路學有採芹亭

庶齋老學叢談

竹軒花亭

亭在蕃釐觀內成化初道士陳永輝建

瓊花考

明月亭



吳王濞釣臺

雷陂有臺高二丈吳王濞釣臺也

西征記

在揚州城一十二里

大觀圖經

劉敞雷陂勸耕序曰此陂蓋江都宮地吳王釣臺在

其旁

公是先生集

鳳皇臺

在子城南昔有鳳凰集此

記纂淵海

蕪城古臺

吳公臺

在江都縣北四里

元和郡縣志

增修甘泉縣志

卷之十

古蹟下

三

一名弩臺在府城西北四里

讀史方輿紀要

宋沈慶之攻竟陵王誕所築弩臺也後陳將吳明徹

圍北齊東廣州刺史敬子猷增築之以射城內因號

吳公臺臺高十丈周圍二百步

太平寰宇記

大業十三年煬帝崩於溫室右禦衛將軍奉梓宮於

成象殿葬吳公臺下

北史

揚州吳公臺以陳將吳明徹得名在江都縣西

施註蘇詩

戲馬臺

戲馬臺在廣陵

記纂淵海

臺下有路號玉鈞斜

後山詩話



東坡登徐州戲馬臺詩路失玉鈎芳草合林亡白鶴  
野泉清廣陵亦有戲馬臺下有路號玉鈎斜非徐州  
事也 焦氏筆乘

### 雞臺

煬帝於吳公雞臺下恍惚與陳後主遇或卽其處名勝志

帝昏涵滋深往往爲妖祟所惑嘗游吳公宅雞臺恍  
惚間與陳後主相遇尙喚帝爲殿下後主載車紗皂  
幘青綽袖長裾綠錦純緣紫紋方平履舞女類十許  
羅侍左右中一人迴美帝屢目之後主云殿下不識

增修甘泉縣志

卷之十

古蹟下

三

此人耶卽麗華也乃以海蠡酌紅梁新醞勸帝帝飲  
之甚歡因請麗華舞玉樹後庭花麗華徐起終一曲  
後主問帝蕭妃何如此人帝曰春蘭秋菊各一時之  
秀也後主問帝龍舟之游樂乎始謂殿下致治在堯  
舜之上今日復此逸遊大抵人生各圖快樂曩時何  
見罪之深耶三十六封書至今使人怏怏不悅帝忽  
悟叱之恍然不見 大業拾遺記

### 鬪雞臺

不知其處杜牧之揚州詩春草鬪雞臺又趙嘏廣陵  
道中詩云鬪雞臺邊花照塵 萬曆江都志



摘星臺

紹興初劉光世逢主德手擒郭仲威之地

中興繫年錄

崑邱臺

在禪智寺側取蕪城賦軸以崑岡為名

名勝志

楞迦臺

續志考正見劉長卿詩集中

瓊花臺

在小東門外蕃釐觀內唐所植天下獨此一株歐陽脩作無雙亭以賞之元至正間因花不存補植八仙花為臺以誌其處元末廢正統間知府韓宏重建

南畿

增修甘泉縣志

卷之十

古蹟下

三

志

吹玉臺

梅花嶺有吹玉臺

南極篇

靈雨臺

臺在甘泉山第一峰

國朝乾隆七年知縣張宏運築

流珠堂

隋江都宮中有成象殿流珠堂諸處

讀史方輿紀要

續志考正見前江都宮內

時會堂



舊在蜀岡乃宋時造貢茶之所

續志考正即後茶園與春貢亭同地

### 四并堂

俗名杏花村韓忠獻魏公嘗於郡圃建四并堂後趙鞅易名以復前賢之舊

輿地紀勝

### 循雲堂

在州治常衙廳之後芍藥廳在其東循雲堂在其西

嘉靖維揚志

### 多瑞堂

州治敬簡堂之後為雪薌閣水晶樓直北為多瑞堂

### 增修甘泉縣志

### 卷之十

古蹟下

三

同上

### 平山堂

在州城西北五里大明寺側宋慶曆八年二月歐陽修來牧是邦為堂於大明寺庭之坤隅江南諸山拱列簷下若可攀取因目之曰平山堂

輿地紀勝

平山堂歐陽公守維揚承魏公之後與魏公書云廣陵幸遵遺矩獨平山堂占勝蜀岡江南諸山一目千里以至大明井瑤花二亭此三者拾公之遺以繼盛

美爾

臥游錄

歐陽文忠公在揚州作平山堂壯麗為淮南第一堂



據蜀岡下臨江南數百里真潤金陵三州隱隱若可見公每暑時輒凌晨攜客往遊遣人走邵伯取荷花千餘朶以畫盆分插百許盆與客相間酒行卽遣妓取一花傳客以次摘其葉盡處則飲酒往往侵夜載月而歸余紹聖初始登第嘗以六七月館於此堂者幾月是歲大暑環堂左右老木參天後有竹千餘竿大如椽不復見日色蘇子瞻詩所謂稚節可專車是也寺有一僧年八十餘及見猶能道公時事甚詳近幾四十餘年念之猶在目

避暑錄話

大明寺前有平山堂歐陽公守揚州時所創負堂而

增修甘泉縣志

卷之十

古蹟下

三

望江南諸山厯厯在簷楹間與堂平故名每政暇輒往游嘯咏竟日而返及沒後有右司郎中糜公師旦慶元十一月遊揚州平山堂恍如疇昔所經獨歎惜壁間字畫堂前楊柳之不存耳翌日渡江適其兄倅京口卽移柳數十本屬揚帥趙子固爲補植且寄詩云壁上龍蛇飛去久堂前楊柳補來新一生企慕歐陽子重到平山省後身是夕舟行兄弟對語至戊夜方寢晨起則公逝矣先是公登第時過婦家於姑蘇之黃渡飲於園亭夜半忽屏間有大書太師字秉燭聚觀墨影隨滅人謂他日必遠到至是始悟歐陽公



官止於太子太師蓋驗身後之句云

嘉靖江都志

宋時堂日就圯刁約周淙鄭興裔趙師古史巖之皆繼新之後為寺僧所據併入棲靈寺前賢勝蹟久已堙廢康熙二十年郡守山陰金鎮與邑人刑部主事汪懋麟共謀興復乃即寺右建堂復闢堂後地為高樓五楹榜曰真賞祀歐蘇二文忠公於上樓下有平山堂八分三大字扁乃莆田鄭蘆書

平山小志

康熙二十三年十月二十一日

駕幸揚州

上諭臣王熙同學士臣孫在豐江南總督臣王新命江蘇巡撫

增修甘泉縣志

卷之十

古蹟下

三五

臣湯斌共乘一小舟隨行前至觀音閣

上登玩移時又至棲靈寺平山堂

上題怡情二字又至張氏園亭 四十四年

駕南幸御書平山堂及賢守清風二額懸堂內

王文靖公扈從東巡行程日記

堂自金太守鎮修復後日久日圯雍正間郡人汪少卿應庚大舉新之周山種檉松十三萬餘株立亭冠其頂種梅柳梧桂各嘉卉千餘本於堂內外前後於堂右鑿池二十餘畝得舊第五泉建亭跨橋於池上在堂後建文昌閣觀音閣藏經樓為平樓以接棲靈寺芍藥闌牡丹軒僧寮客舍罔不備運使尹公為之記



乾隆三年太守高公摘秦少遊詩餘淮東第一觀五字  
金壇蔣國博衡書新安汪少卿應庚摹勒上石嵌大門  
之左

宋沈括揚州重修平山堂記揚州常節制淮南十一郡  
之地自淮南之西大江之東南至五嶺蜀漢十一路百  
州之遷徙貿易者往還皆出其下舟車南北日夜灌輸  
京師者居天下之七雖選帥嘗用重人而四方賓客之  
至者語言面目不相誰何終日環坐滿堂而太守應決  
一府之事自若往往亦不暇盡舉其職不然大敗不可  
復支雖足以自信始皆不能近謂之可治卒亦必出於

甚勞然後能善其職故凡州之宴賞享勞太守之所遊  
處起居率皆有常處不能以意有所揀選以爲賓客之  
權前守令歐陽公爲揚州始爲平山堂於北岡之上時  
引客過之皆天下豪俊有名之士後之人樂慕而來者  
不在於堂榭之間而以其爲歐陽公之所爲也由是平  
山之名盛聞天下嘉祐八年直史館丹陽刁公自工部  
郎中領府事去歐陽公之時纔七十年而平山僅若有  
存者皆朽爛剝漫不可支撐公至踰年之後悉撤而新  
之凡工墾廩餼材藁之費調用若干皆公默記素定一  
日指授其處所以爲堂之壯麗者無一物不足又封其



庭中以爲行春之臺昔之樂聞平山之名而來者今又將登此以博望遐觀其清涼高爽有不可以語傳者也揚爲天下四方之衝夕至乎此者朝不知其往朝至乎此者夕不知其往民視其上若通道大途相值偶語一不快其意則遠近搔搔謗喧紛不可解公於此時能使威令德澤洽於人心政事大小無一物之失而寄樂於山川草木虛閒曠快之境人知得此足以爲樂而不知其致此之爲難也後之人登是堂思公之所以樂將有指碑以告者也

長興集

洪邁平山堂後記揚爲州最古南傳海北接淮井而方

之蓋萬里後世華離鈇析殆且百郡獨廣陵得鼎其名故常稱巨鎮爲刺史治所爲總管府爲大都督府爲淮南節度使方唐盛時全蜀尙列其下有揚一益二之語人本朝事權雖殺而太守猶一道鈐轄安撫使品其域望他方莫與京也迷樓九曲珠簾十里二十四橋風月登臨氣概政足以突兀今古茲堂最後出前志謂江南諸峯植立闌戶且肩摩領接若可攀取山旣佳而歐陽又實張之故聲壓宇宙如揭日月縉紳之東南以身不到爲永恨意謂層城閭風中天之臺抑末耳然百餘年間屢盛屢歇瓦老本腐因之以傾侈薦之以兵革而禾



黍離離無復一存荒烟白露蒼莽滅沒使人意象蕭然  
誦山色有無之句付之三歎而已

洪容齋集

樓鑰揚州平山堂記平山堂東南勝處也長淮之東地  
多堆阜苟見山處皆以得名於斗野山在他郡何算自  
泗上南來者望而首得之故米寶晉有第一山之詠儀  
真西北登高見建業諸山而有壯觀之勝揚州大明寺  
所謂自有宇宙便有此山而千載無領畧之者六一居  
士一覽而得之徹僧廬之敝屋作爲斯堂而風景煥然  
遂名天下公以爲占勝江南諸山一目千里而王荆公  
亦謂一堂高視兩三州者也天造地設待人而發餘之

醉翁峽之至喜皆以公得名而揚又居南北之衝士大  
夫往來喜至其下自堂之成所謂迷樓瑩苑蕪城九曲  
之舊俱在下風矣公之記峴山亭謂峴蓋山之小者而  
其名特著豈非其人哉羊叔子與杜元凱是已亭屢廢  
而復興者四後世慕其名而思其人者多也此堂亦幾  
是耶然而物有盛衰承平才更七十年而堂已圯壞直  
史館刁公約新之沈內翰括爲之記紹興末年廢於兵  
火周貳卿宗起其廢而洪內翰邁爲之記近歲趙龍圖  
子濛嘗加葺治鄭承宣興齋更剏而增大之開禧邊釁  
之起環揚之境本無侵軼而時之鎮帥畏怯太甚始以



大言自詭事未迫而欲遐遽假清野之名縱火於外負郭室屋延燔一空而堂遂爲荆榛瓦礫之場於茲數年矣嘉定三年寇攘旣息而旱蝗饑饉之餘瘡痍益甚皇上思得人以鎮撫之大理少卿趙侯方以閩漕之節倅次於浙右遂除右文殿修撰起帥於揚遠繼叔祖龍圖之軌下車之初日不暇給簡節疏目恩威並用軍民帖服邊鄙無恐年穀順成浸復樂土之舊

攻愧文集

國朝金鎮重建平山堂碑記余蒞揚值兵興伊始征調旁午數月始得整理廢墜稍稍就緒借郡之賢士大夫觴詠蜀岡之上感平山堂之毀爲僧寺與汪舍人蛟門暨增修甘泉縣志

卷之十

古蹟下

三

同遊諸君將謀復之也旣爲文述宋歐陽公治郡政績以其餘力創爲是堂及今之旣廢而宜復之意以語其蒞茲土者視舊址迤西又闢前後隙地二畝許益之度材量費上自巡巉侍御暨僚屬大夫其心同其言樂以九月經始歲終迄成事木石堅緻黝堊鮮彩軒檐旣啟江山欲來五百年之壯觀一朝頓復余適奉

命視郵政江甯喜其將去而落成也復偕諸君子登山置酒而

樂之郡之父老旣歡旣愉士女奔奏攀厓捫級來觀者不絕是時適攜李曹司農至首爲五十韻長句紀其事凡郡之縉紳學士及四方名流無不揆宮徵敲金石效



奇呈美於茲堂之上論者謂與蘇王秦劉諸賢之倡和  
不相上下而惜乎余非歐陽公其人也夫一堂之興復  
微耳然人情欣欣若以爲事之必不可少者何也方今  
東南不幸多事吳越之郊一望戰壘民負楯而炊惴惴  
不能終日揚以四達之衢吾得與二三子保境休息於  
此里門晏開守望不事四方之結轂而至者指爲樂土  
此非大幸耶當此之時而使前賢之名蹟缺焉湮沒至  
廢爲梵鐘燈火之場而不恤旣非所以稱爲民父母之  
意揆之人情亦必有鬱然不樂者也以余之德薄所以  
能使一時之爭勸其事而歡樂其成功者凡以順人情  
增修甘泉縣志

卷之十

古蹟下

四

之所欲爲而已然爲此於萬難倥偬之際比之前人創  
建之日其勢尤有不易者非諸君子之協力交贊卽予  
何能藉手以告成哉是皆不可以無記也

慎墨堂集

魏禧重建平山堂記平山堂距揚州城西北五里許宋  
歐陽文忠公所建公守郡時當慶曆末天下太平公治  
尚寬簡故獲興是役與賓僚飲酒賦詩其中今六百餘  
年廢興不一至於蕩爲榛蕪盜據爲浮屠而其地以公  
故益名於天下登臨者慨然有峴首之思焉揚州古稱  
名勝然絕少山林邱壑之美城以內惟康山一阜頗三  
面見邗水外則平山堂望江南諸山最暢康山旣屋而



平山堂又久廢矣自堂建後揚州數遭兵禍至紹定初  
歷一百八十有二年而李全之亂猶置酒高會於平山  
堂豈斯堂倖免兵火抑燬廢復有賢者修舉之耶今觀  
察金公前守斯郡政既成慨先賢之不祀郡之最勝地  
久廢與鄉大夫汪君蛟門謀廓然新作之不以一錢會  
諸民五旬而堂成有堂有臺其後有樓翼然以祀文忠  
公敞軒鉅麗吐納萬景視文忠當日不知何如而觀察  
公化民善俗之意亦因可以推見蓋揚俗五方雜處魚  
鹽錢刀之所奏仕宦豪強所僑寄故其民多嗜利好宴  
游徵歌逐妓袷衣媮食以相誇耀非甚賢者則不復以

文物爲意公既修舉廢墜時與士大夫過賓飲酒賦詩  
使夫人耳而目之者皆欣然有山川文物之慕家吟而  
戶誦以文章風雅之道漸易其錢刀駟僧之氣而揚土  
洿曼平衍惟此山差高足爲用武之地公建堂其上又  
習以俎豆之事亦將以文事靖兵氣焉公名鎮字長眞  
浙之山陰人

魏叔子文鈔

毛甦復修平山堂記平山堂踞維揚之勝岡巒竹木蔭  
映四野相傳六一守揚州時公事之暇率賓朋讌集歌  
詠其內是以逡巡數世皆歷歷可紀而其後不能繼也  
夫天下興廢多矣考之六一去揚其距建堂時相去未



遠然婺川劉公來而六一送之其繾綣故跡屈指年歲  
戀戀於所爲庭前手植而叮嚀浩嘆一若彈指之頃早  
有盛衰古今之感生乎其間暨東坡再來三過平山乃  
復徘徊憑弔託諸夢寐猶後此者也蓋物盛則衰理所  
固然第當循環遞至則湮廢已久將必有人焉爲之興  
復而方其極盛亦遂有起而持其後者乃堂介浮屠左  
右蔽虧始未嘗不相爲倚恃而其後堂旣廢而浮屠獨  
存然且故址昭然遲久未復予嘗過其地而悲今太守  
金君自汝南來遷重守是邦計之有宋慶厯間相去甚  
遠且治揚甫匝歲卽復遷江南副使倉卒引去又其時

適當六師張皇禁旅四出之際揚之疲於奔命往來芻  
秣者日不暇給乃登臨感慨毅然修復豈僅爲是游觀  
地哉蓋亦有感於前人之所爲而興而廢廢而復興汲  
汲以成之惟恐後也予鄉蘭亭自永和修禊傳之迄今  
數千年間廢日多而興日少當君守汝時汝無名跡然  
猶考淮西舊碑勒段韓兩文於碑之陰陽而覆之以亭  
蓋古今賢哲風流相映非偶然者第堂成命酒賓朋歌  
詠已非一日而予以訪舊之餘續游其地不期月間一  
若賓主去留後先頓異者昔人所爲登斯堂而重有感  
也堂以某年某月成越一年乃始飲於堂而屬予爲記



毛翰林  
文集

尹會一重修平山堂記自古地以人重揚州四方都會  
絕少山林城之西偏坡池曼衍有堂翼然自宋歐陽文  
忠公守郡時建至今以平山特聞中間屢歷興廢且七  
百餘年矣

聖祖南巡嘗臨幸焉既

御書平山堂復賜賢守清風額蓋不獨重公之賢亦所以風厲  
守土之臣意至深也壬子夏余來守是邦登堂肅拜

天章爛然震耀心目踰年擢司轉運又三年領漕政公餘一再  
過之時鄉大夫汪君應庚以斯堂漸圯蠲貲修繕整崇

增修甘泉縣志

卷之十

古蹟下

三

階植嘉樹濬第五泉周山種松十餘萬株亭其嶺蒼然  
蔚然非復舊觀矣余嘗念揚州古稱名勝然東閣官梅  
隋隄楊柳二十四橋風月訪其遺墟荒涼滅沒而斯堂  
屢更兵燹每廢輒興久且益勝公之靈在焉不可得而  
泯也若夫堂之左爲棲靈寺唐時塔燬於火汪君卽故  
址建藏經樓其後則觀音閣前廊置寮舍以飯僧皆因  
堂及之者已復以公名堂意築爲平樓綺疏四闢遙眺  
南徐水氣橫浮萬山拱揖設起公於今當復與賓僚觴  
咏顧而樂之愧余未獲廢其餘韻也於戲揚人士擁高  
貲侈豪舉固所時有汪君以力敦善行聞于



朝嘗卽其家拜光祿少卿觀於斯堂廼亦增勝蓋

先皇之寵錫賢守之風流山川文物相輝映詎遨游選勝云爾

哉汪君其知所重也矣

雍正府志

潘耒平山堂賦伊茲堂之締構洵宏敞而寡儔超埃壙而特起踞名都之上游崇臺瑰其造天兮華榭鬱乎雲浮窮地勢於南條兮見江山之相繆苞牽牛而絡婺女兮納埃風乎不周怙恂恍於虛無兮渺仙靈之所留爾其託體則平岡陂陀西走滁濠支阜屹立削成增高其面勢則宅岡之陽居乾之位觀宇迴環林薄周被爾乃斬懸巖以累砌規廣阿以築堂旁羅桂楣仰承杏梁飛

增修甘泉縣志

卷之十

古蹟下

四

宇周閣鱗鱗將將觚稜栲諸若騰若翔塗丹錯碧反景流光遠而望之龍從參差若神山之出海見銀闕也仰而闕之礪礪巍峩若射的之在空植箭括也容兮如幄萃兮如冠霧兮雲舒不可乎得原若乃踐平阜經長坂步廣除臨絕巘瀏覽有無獨察近遠前瞻揚土之博大兮原隰紛其錯重綴麗譙於連星兮壯干雉之金墉天塹劃夫神臯兮屬赴海之白虹層山迴顧於秣陵兮矗三茅之仙峯左眺海陵原田每每熬波漉鹽利盡東海右瞰揚子銅陵嶢嶢卽山鑄冶吳淠以饒後巨浸之湯湯兮沐日月於中央洩斗門於邗溝兮轉舳艫於帝鄉



泛厯覽其無垠兮蹇躊躇以相羊至如絢野暝色騰陸  
晴景微陰霖霖變合一瞬態窮萬族大隄水平芙蕖含  
華的饒芬馨怒濤澆潑於曲江兮風雪颯灑蕪城物無  
隱之能遁狀無奇而不呈耳目爲之滌蕩天日爲之開  
明斯誠臺觀之巨麗海表莫之與京者也於是邦伯郡  
牧來遊來豫弭節停騶怡情遣慮賓從詳雅尊俎有序  
究觀夫風土之清嘉與民物之阜庶山川之形便謠俗  
之遷注調燥濕於微絃齊六轡之柔馭遙興遠思超乎  
獨喻其或大夫君子善辭能文比材會劉方藻卿雲期  
春秋之佳日聊整駕而索羣參萬象於靈府吐元黃之

續紛亦有都人士女嬉春競往稅青驪泊蘭槩采靡蕪  
牽宿莽睥關河結遐想至如遷人放客徑奇瓌材鬱風  
雲乎未感臨岐路而徘徊塊獨遣此羈愁兮憑高望遠  
穆乎登臺悵民生之多故羨天地之無涯歲月忽其如  
流羌長吟而永懷原夫揚之爲土也襟背江淮縮輦水  
陸百貨所奏土膏衍沃故漢代疏以爲國隋帝巡而作  
宮唐藩宋闡承侈席豐經營窮平地軸雕斲極夫天工  
璿臺瓊館穆若神居者蓋不知其幾而今皆影滅光沉  
山移壑徙際天黃沙覆地白葦螢飛秀麥之園兔穴枯  
桑之壘惟斯臺也創自隆宋著於歐陽遺澤在人勿剪



樹棠五百年乃有賢牧實景德而齊光考圖索乎故址  
新夏屋於崇岡華不侈心儉不陋目高不絕陵深不藏  
谷不勞民而就不糜財而足形勢盡東南之美風聲表  
土庶之愛續前薪於無窮宜可久而可大嗟宇宙之悠  
遐兮惟令名爲不刊德業若大車之載兮文采輪轂而  
使前或鐫功於銅柱兮或沈碑於深淵金石弊而名存  
兮孰轆轤之使然承休風而結撰兮尙有述於後賢

遂初

堂集

朱彝尊眞賞樓記平山之堂旣成越明年中書舍人汪  
君季用拓堂後地爲樓五楹設栗主以祀歐陽永叔劉

增修甘泉縣志

卷之十

古蹟下

四

仲原父蘇子瞻諸君子名曰眞賞之樓蓋取諸永叔寄  
仲原父詩中語也君旣爲文勒堂隅識落成之歲月請  
予作斯樓記於是樓成又逾年矣方山陰金公將知揚  
州府事實期予適館旣而予不果往及聞堂成之日四  
方知名士會者百人多予舊好咸賦詩紀其事顧予獨  
客二千里外不獲與私心竊悔且憾回憶曩時客揚州  
登堂之故址草深數尺求頽垣斷砌所在不能辨識愀  
然長喟謂茲堂之勝殆不可復睹會幾何時而晴闌畫  
檻忽聳三城之表且有飛樓峙其後旣感興廢之相尋  
復嘆賢者之必有其助也當永叔築堂時特出一時興



會所寄然春風楊柳蓋別久而不忘子瞻三過其下悵  
仙翁之不見至題詞快哉亭尚吟思此堂未已卽永叔  
亦感仲原父能留其游賞之地賦詩遠寄是當時諸君  
子未嘗一日忘茲堂可知已今肇祀焉庶其馮依而不  
去者與堂之廢自世人視爲游觀之所可以有無守是  
邦者或不爲葺治至於日圯理固然也試登是樓見永  
叔以下凡官此土有澤於民者皆得置主以祀後之君  
子必能師金公之遺意克修前賢之蹟則是斯樓成而  
平山之堂始可歷久不廢足以見汪君之用意深且遠  
也余雖不獲觀堂落成與諸君子賦詩之末猶幸勒名

增修甘泉縣志

卷之十

古蹟下

四七

樓下附汪君之文並傳於後亦可以勿憾矣夫

曝書亭集

宋歐陽修和劉原父平山堂見寄詩督府繁華久已闌  
至今形勝可躋攀山橫天地蒼茫外花發池臺草莽間  
萬井笙歌遺俗在一樽風月屬君閒遙知爲我留眞賞  
恨不相隨暫解顏

居士集

劉敞登平山堂寄永叔內翰詩蕪城遠地隔人寰盡借  
江南萬疊山江氣橫浮飛鳥外嵐光平墮酒杯間主人  
寄賞來何暮游子消憂醉不還無限秋風桂枝老淮王

仙去更能攀

公是先生集

梅聖俞平山堂雜言蕪城之北大明寺闢堂開爽趣廣



而意龐歐陽公經始曰平山山之迤邐蒼翠隔大江天  
晴日明了了見峰嶺已勝謝朓齷齪遠視於一窗亦笑  
煬帝造樓摘星放螢火錦帆落檣旗建杠我今乃來偶  
同二三友得句欲令霜鐘撞却思公之文字世莫雙舉  
酒一使長咽慢肌高揭鼓笛腔萬古有作心胸降 又  
和永叔答劉原甫遊平山堂寄詩黃土坡陁岡頂寺青  
烟冪歷浙西山半荒樵牧舊城下一月陰晴遠嶼間人  
指廢興都莫問眼看今古總輪閒劉郎寄咏公酬處夜  
對金鑿步輦還 又平山堂留題詩蜀岡莽蒼臨大邦  
雄雄太守駐旌幢相基樹楹氣勢龐千山飛影橫過江

增修甘泉縣志

卷之十

古蹟下

哭

峯嶠俯仰如奔降雷塘波小鷓鴣雙陸羽井苔黏瓦缸  
煎鑷瀉頂聲淙淙雨牙鳥爪不易得碾雪恨無居士龐  
已見宣城謝守陋吟看遠岫通高窻

宛陵集

宋歐陽修平山堂朝中措詞平山闌檻倚晴空山色有  
無中手種堂前楊柳別來幾度春風 文章太守揮毫  
萬字一飲千鍾行樂只須年少尊前看取衰翁

六一詞

谷林堂

在城西北大明寺宋元祐中建

南畿志

鎮淮堂

鎮淮堂舊名芍藥廳

廣陵續志



芍藥廳在州治敬簡堂之後向子固改曰再臨又名

鎮淮 寶祐志

正覺堂

堂在禪智寺僧仁擇刻王荆公贈俞秀老詩六篇於

正覺堂中 山谷外集

觀稼堂

在北門外小金山宋寶祐間賈似道即觀稼堂址建

平野堂都人遊觀四時不絕 名勝志

平野軒

居竹軒

增修甘泉縣志

卷之十

古蹟下

四

元成廷珪字原常一字元章蕪城人好讀書尤工於

詩奉母居市廛植竹庭院間綽有山林意趣扁其燕

息之所曰居竹軒 元詩小序

董仲舒宅

在大東門外今鹽運司署是也仲舒為江都王相居

此內有井至今號董井井上有亭有碑吳郡金問為

記 萬歷縣志

謝安宅

在大東門外安鎮廣陵時舊宅也手植雙檜至唐猶

存宋改為法雲寺 南畿志



明徐桂謝安宅詩廣陵在鎮時分陝甘棠澤以彼干  
年思保茲五畝宅萬歷縣志

來護兒宅

來護兒家廣陵住白土村北史本傳

白土村在城西十八里讀史方輿紀要

李相國藩宅

唐李相藩嘗寓東洛年近三十未有宦名挈家往揚  
州居於參佐橋數年張建封僕射鎮揚州奏藩為巡

官校書郎逸史

溲于夢宅

增修甘泉縣志

卷之十

古蹟下

五

在城北十里有古槐一株世所傳南柯夢也萬歷縣志

功曹王勰宅

唐建中三年揚州府功曹王勰宅在慶雲寺西有賣

卜女巫包九娘者過之忽曰可賣此宅如言貨之得

錢十五萬又令於河東僦一宅買竹作麤籠子不知

其數明年春連帥陳少游議築廣陵城取勰舊居僅

給半價又賣運土竹籠計積資七八萬遂買河東宅

焉乾廙子

呂觀文惠卿宅

揚州呂吉甫觀文宅乃晉鎮西將軍謝仁祖故宅也



在唐爲法雲寺甫家居時雙檜依然

墨莊漫錄

崔秘監宅

續志考正見温庭筠詩

蕭慶中宅

唐盧仝蕭宅二三子贈答詩序蕭才子修文行名聞將遷家於洛賣揚州宅未售玉川子客揚州羈旅識蕭遂館蕭未售之宅

玉川集

呂僧珍宅

梁呂僧珍世居廣陵舊宅在市北前有督郵廨鄉人咸勸徙廨以益其宅僧珍怒曰豈可徙官廨以益吾

增修甘泉縣志

卷之十

古蹟下

至

私宅乎姊適于氏住市西小屋臨路與列肆雜僧珍常導從鹵簿到其宅不以爲怪

南史本傳

宋季雅宅

季雅罷南康郡市宅居呂僧珍宅側僧珍問宅價曰一千一百萬僧珍怪其貴季雅曰百萬買宅千萬買

鄰

南史

楊行密故宅

堡城光孝院卽行密舊宅

寶祐志

唐光化間行密宅施爲僧院

大觀九域志

徐知誥故宅



揚州壽寧寺本徐知誥故第

于役志

南唐李昇宅在壽寧寺內有延賓亭

輿地紀勝

續志考正知誥宅下復出延賓亭

張司空宅

揚吳張司空宅在廣陵證聖寺之南

稽神錄

李評事宅

江南有李令者累任大邑假秩至評事世亂年老無復宦情築室於廣陵法雲寺之西為終焉之計嘗夢束草加首口銜一刀兩手各持一刀入水而行意甚異之俄而孫儒陷廣陵儒部將李瓊屯兵於法雲寺

增修甘泉縣志

卷之十

古蹟下

至

恒止李令家父事令及儒死宣城裨將馬殷劉建封輩率眾南走瓊因強令俱行及殷據湖南瓊為桂管觀察使用令為荔浦令則前夢之驗也

稽神錄

袁可鈞宅

可鈞蜀人隨孟景入朝宋太祖授以兵衛將軍賜宅

江都今莫考其處

萬曆府志

董評事諒故宅

在北進賢坊之念佛巷宋乾道間捨宅為大隱菴後

改正勝寺

說學齋集

王舍人別墅



江南通事舍人王慎辭有別墅在廣陵城西慎辭嘗與親友宴遊於其上

稽神錄

續志考正卽後塚墓地

崔氏別墅

元崔元亨所居在揚州城西

居竹軒集

竹西草堂

崔桐竹西草堂記吾友葉大夫初號竹西主人別號省菴主人嘗偕東洲崔子宦遊三楚登岳陽樓汎洞庭訪君山二妃遺竹入瀟湘數萬頃撫琅玕而嘯歌者終日焉獨恨未得憇主人草堂對竹西風月共爲

增修甘泉縣志

卷之十

古蹟下

三

樂耳乃今吾兩人俱老矣主人遜膚林棲東洲子亦明農東海頃以避寇客揚欲申前約就主人問竹所主人曰吾揚古有竹西亭今竹與亭俱無矣堂雖草搆非其所也東洲子曰主人之愛竹予旣已知之矣夫竹有目愛有心愛目愛者樂在物心愛者樂在理樂夫物者有得於外雖有而若無樂夫理者自得於中雖無而亦有吾謂主人以竹自命而復以省命菴是所謂省焉者殆無日而不在竹也竹性直必自省曰吾能矢厥中矩厥度以無詭我天真矣乎竹中虛必自省曰吾能無塞以茆無窒以墻豁然空洞矣乎



竹中白必自省曰吾能自濯自新不緇不盆撤翳塵  
垢無葩我素業矣乎竹色正必自省曰吾能肅爾模  
端爾範無巧笑無譎容以凜焉莫犯矣乎竹有節必  
自省曰吾能金石之介冰蘖之貞始終爲不渝矣乎  
竹勢凌必自省曰吾能高尚軼凡脫俗鳳翔龍躍於  
千仞之上矣乎果有之不必延二仲於三徑而吾心  
之萬徑固曠如也不必共詩酒於七賢而吾心之義  
皇日契晤也東洲子言未已主人啞然笑曰淵哉子  
之立言也詩云他人有心予忖度之夫子之謂乎子  
不紀我蹟而紀我心淵哉子之立言也

東洲集

增修甘泉縣志

卷之十

古蹟下

五

甘泉精舍

在甘泉山嘉靖十五年甘泉湛若水出已資易其地  
諸生議建御史洪垣置田六十畝

嘉靖維揚志

續志考正卽學校內甘泉山房

郡圃

唐開元間揚州太守園中有杏數十株時張大宴立  
館曰爭春元和中李夷簡於城之西南建亭曰玉鈎  
皇甫湜爲之記至咸通間李蔚鎮淮海於戲馬亭西  
連玉鈎斜道葺亭曰賞心以爲勝遊之地宋寶祐間  
韓琦於郡圃建堂曰四并壯麗極一時陳公升之又



建雲山閣於城之西北隅後呂公著嘗宴其上郡人  
秦觀撰中秋樂語歲久傾圮淳熙間鄭興裔撤玉鈞  
亭增而大之命名雲山觀慶元中趙鞏始以杏花村  
重建堂取韓公舊名扁之而後之刺是州者率以邊  
務倥傯廢而不理如柳徑菊坡靜境皆無復存寶祐  
二年大使賈似道鎮淮之五年邊鄙不聳增陴浚隍  
靡一不具乃以餘力復雲山觀於小金山初教場倚  
山之右狹隘不足以展軍容因徙置州治之北以便  
日閱而雲山觀之規始不相病自州宅之東厯繚墻  
入可百步有二亭東曰翠陰西曰雪薌直北有淮南

道院後爲兩廡通竹西精舍焉後有小阜曰梅坡上  
葺茅爲亭曰詩興坡之東北隅有亭曰友山循曲徑  
而東望飛檐雕檻縹緲於高阜之巔是爲雲山觀卽  
環碧亭舊址乃於池上爲露橋以度橋之北翼以亭  
曰依綠有小亭對立曰弦風曰簫月又百餘步始躡  
危級而登雲山東望海陵西望天長南揖金焦北眺  
淮楚其下爲沼深廣可舟山之趾二亭曰濠想曰剡  
興釣磯在其南砌臺在其北水之外爲長隄朱闌相  
映夾以垂柳閣以南爲面山亭於東曰留春曰好音  
於西曰玉鈞曰駐屐觀之直北畫棟層出者爲淮海



堂其東鉅竹森然亭其間者曰對鶴又東有道院曰半閒堂堂之後爲複道而升與雲山並峙可以眺遠者爲平野堂春日卉木競發揚之遊觀者不禁春盡乃止

寶祐志

宋慶厯間郡丞君於郡圃構新園亭王安石爲之記

名勝志

王安石揚州郡圃新園亭記諸侯宮室臺榭講軍容俎豆各有制度揚古今大都方伯所治處制度庠狹軍實不講俎豆無容不以偪諸侯哉宋公至自丞相府化清事省喟然有意其圖之也今太常刁君寶集

增修甘泉縣志

卷之十

古蹟下

五

其意會公去鎮鄆君卽而考之占府乾隅夷第而基因城而垣並垣而溝周六百步竹万个覆其上故高亭在垣東南循而西十軌作堂曰愛思道僚吏之不忘宋公也堂南北向袤八筵廣六筵直北爲射埒列樹八百本以翼其旁賓至而享吏休而宴於是乎在又循而西十有二軌作亭曰隸武南北向袤四筵廣如之埒如堂列樹以鄉歲時教士戰射坐作之法於是乎在始慶厯二年十二月某日凡若干日卒功云初宋公之政務不煩其民是役也力出於兵材資於官之饒地瞰於公宮之隙成公志也噫揚之物與



監東南所規仰天子宰相所垂意而選繼乎宜有若宋公者丞乎宜有若刁君者金石可弊此無廢也

王荆公文集

芍藥圃

在城北禪智寺前

名勝志

揚州使宅舊有芍藥廳在敬簡堂之後聚一州芍藥絕品于其中今鎮淮堂是也廣陵續志曰鎮淮堂舊名

芍藥廳

輿地紀勝

揚州芍藥爲天下冠蔡繁卿爲守作萬花會歲聚絕品十餘萬本於廳讌賞旬日旣殘歸各園

東坡志林

按郡圃自唐歷宋勝遊之區甲於他郡今析縣以

增修甘泉縣志

卷之十

古蹟下

五

後府治雖江都然嘉靖維揚志稱宋揚州治在大城西北隅則今之甘泉境也又諸志之泛言廣陵者難以臆斷其何地故並載於古蹟之內他如州之東南尚有名蹟可紀以地屬江都悉置不錄焉續志考正見前鎮淮堂下

櫻桃園

隋裴謚王敬伯約爲方外交大業中入白鹿山學道敬伯久之求歸謚留之不得唐貞觀初敬伯仕大理廷評奉使淮南道遇謚曰吾市藥於廣陵亦有息肩之地青園橋東有櫻桃園園北車門卽吾宅也子公



事少隙當尋我於此敬伯到廣陵十餘日因出尋之  
果有車門初入荒涼行數百步樓閣重複花木鮮秀  
似非人境俄有一人衣冠偉然儀貌奇麗敬伯前拜  
乃譏也裴慰之曰塵界仕宦久食腥羶愁欲之火燄  
於心中負之而行日將暮命促席達曙敬伯辭去後  
五日將潛詣取別其門不復有宅烟草極目惆悵而  
返續元怪錄

### 茶園

蜀岡有茶園上有時會堂春貢亭皆造茶所也太平  
寰宇

### 增修甘泉縣志

### 卷之十

古蹟下

五

揚州禪智寺隋之故宮寺枕蜀岡其茶味如蒙頂但  
不知入貢起於何時茶譜

續志考正見前春貢亭及時會堂下

### 朱氏園

揚州朱氏園芍藥最爲冠絕南北二圃所種幾於五  
六萬株當花盛開飾亭宇以待來遊者逾月不絕朱  
氏未嘗厭也王觀芍藥譜

### 壺春園

東酒庫在大市之東一名壺春園寶祐志

### 萬花園



宋端平二年制使趙葵卽堡城鋒軍統制衙爲之萬縣志

### 偕樂園

在廣儲門外萬厯二十年太守吳秀建在梅花嶺之麓萬厯縣志

### 遂初園

明鄭若庸遂初園記揚州多沃野畦畛漫衍無靈山遂谷冥棲之士往往自力闢逕疏渠築石樹木鬱然成邱故名園之勝甲乙洛下高子世化世以科第雄長茲土華腴累葉闢居第之偏爲園而蒙谷光祿實

### 增修甘泉縣志

### 卷之十

古蹟下

五

繼之瑰雅環秀爲揚州之冠光祿死數更大故乃蕪穢不治高子始九齡弱勿克樹時時觸蹈榛圯咨嗟惋憇若弗遑處踰十年志銳力完爰度故疆拓而維新之前列三亭中翼而南麗爲涵暉左翳灌木規其寮城而相比焉爲駐景右則篔簹百枝四繞叢桂爲攬秀攬秀之北屋三楹丹牖藻繪圖史參列爲小谷精舍東有崇軒頡之其制成若爲息賓中爲門負涵暉北啟顏其上曰遂初其內疏樊曲檻奇花異石環布位置各中天造委蛇磬折涉者成趣焉揚之人譁然羨之且曰高子誠無忝於遂初耳矣高子亦忻忻



然得也嗟哉是則高子矣乎天下之乘除盈縮譬則  
旦夜物極而反於盡恒也然亦有可恃而永存者固  
默行乎其間而不可尼昔者金谷辟疆之侈埒於王  
國天下膾炙之使其有賢子孫必不能僅存於今亦  
明矣高子之遂初固將輕重於茲園也哉子方以英  
敏之才邁往之氣俯仰鉛槧而充之延聲光襲華耀  
夫亦染指於斯矣無惑乎忻忻然得也頃余自吳都  
來遊於茲求而得其志因其請作遂初園記

姑蠡集

菽園

影園

增修甘泉縣志

卷之十

古蹟下

卒

在城東小缺口明職方郎鄭元勳別業也最稱佳勝  
嘗集名流咏園內黃牡丹以黎遂球十首爲第一製  
金觥贈之

續志考正在城西濠外誤作城東小缺口有鄭職  
方元勳自記近施太常朝榦詩謂在天甯門外者  
亦誤

風亭

在城北徐湛之建

以上原志

東府齋梁宣成王爲揚州刺史顧野王及王褒並爲賓  
客野王好丹青善圖畫王於東起齋令野王畫七賢命



王褒作讚時人稱爲兩絕見太平寰宇記

謹正堂元設都轉運使於揚卽宋江都縣舊治爲廨運使張彬拓而新之築堂於西偏隙地許有王有記

青雨亭在上方寺北近邵伯鎮元王伯純讀書別墅

紅雪樓在觀音山旁三原梁亨築亨宣德間進士澹於仕進會方行中鹽之法移家僑寓於揚建樓築墅蒔松竹桃柳課子弟延朋好吟嘯其中東南與草河宵市橋通遍植荷花一望無際後荷池多爲田樓至乾隆中盡圯土人不知紅雪之名尙呼梁家樓云

因圃在城內侍郎張伯鯨讀書處後全家殉節於此侍

增修甘泉縣志

卷之十

古蹟下

空

卽又有城外灌木山莊嘗弛爲河免發民間塚墓見杜于皇集

休園明鄭俠如築俠如爲元勳弟元勳影園在西門外俠如於東門內得朱氏舊園重加修築回廊曲徑疏壑架巖雖在闐闐中儼超物外一時交游冠蓋之盛尤多名蹟子爲光有聲臺垣清門華閭累葉相仍影園已久淪草莽而此獨無恙嘗輯有休園志近轉屬陳氏猶不甚失其舊云

莘樂草堂在橋墅雷士俊讀書隱居處

半園在東門內總憲李楷葺見菴文



畚芳社在廟頭鎮南康熙初北湖多詩酒之會徐畢范施四姓共立社曰畚芳隱四姓之偏傍也社中多花樹四方文人聞風麇至

沙香洲在黃珏橋北二里俗呼大竹墩四面皆水  
樗園在廣儲門內西偏

古蹟之名以其爲古所貽也前志已備載之今六七十年來不可以古言記其復古者得兩事

竹西亭在上方寺內乾隆十六年太史程夢星重建有碑今圯

斗野亭在邵伯鎮宋熙寧間建於梵行院側紹興中移  
增修甘泉縣志

卷之十

古蹟下

三

建府城之迎恩橋傾廢已久嘉慶十四年里人徐元惠徐元桐重建於鎮之來鶴寺側有修撰姚文田記編修白鎔重書宋七賢詩勒石於壁

以上續志

平山堂咸豐間粵匪竄郡城者三堂盡圯同治九年兩淮鹽運使方濬頤重建

蔣超伯重建平山堂記曰歲丙寅超自潮陽移守廣州時丁雨生都轉銜

命來粵瀕行

超以平山爲請都轉欣然迨抵廣陵旋遷蘇藩而去超悵惘者久之己巳春今都轉方公自廣移淮百廢具舉以斯堂爲歐蘇遺迹銳意營之具餼糧程土



物稱其畚築稽其版幹既成之後廳事雄屹謬廊曲  
榭喬林石澗涌現於峭蒨青蔥之間自下而高廉級  
彌峻由左而右碱記孔廡有屋九筵若爲斯堂之後  
勁者東坡所憩之谷林也若修虹互空毘廬示現雜  
花綺錯於庭際者重構往時之平遠樓及洛春堂也  
有泉涓涓沫珠涎玉噴薄於巖竇中者卽古塔院西  
廊第五泉也於戲可謂壯觀已超嘗檢故籍求之堂  
始於宋慶曆八年越十七年郎中刁公約撤而一新  
南渡後凡五修明神宗時則重建

國朝康熙十二年金太守鎮暨汪刑部懋麟諸君鼎而新

增修甘泉縣志

卷之十

古蹟下

奎

之自是而後疊加崇飾益廓且大然是役也視康熙  
初爲倍難方

國初王師渡河而南誅不順命者而已其餘安堵也頃者  
粵賊之禍文武官署則悉燔矣商民塵次則悉摧矣  
唐園徒林則悉楮矣工師匠伯則悉係纍之爲溝中  
瘠矣稽故址則無尺瓴寸甃之遺簡物料則踊什百  
倍蕪之貴守土者修明學校安妥山川四鄙之神猶  
且弗給而况其餘乎自公之來禹筴歲溢出其餘力  
復營斯堂量功而命日弗愆於素濬渠而除道有益  
於農崇樸而去華無侈於舊蓋公於民生休戚齶綱



肯綮一一旁通曲達故措之盡善恢恢乎並不見爲  
劬也抑余猶有說焉夫是堂之在宇內大澤之曩空  
耳然

景陵純廟

賜詩賜額星雲糾縵與天無極公是役也所以興邨  
人忠敬之思四方之賓與鄉之士大夫獻酬雍容來  
游來集所以示閭閻禮讓之教自宋以後揚帥夥矣  
公獨於歐蘇兩賢拳拳致意所以堅士林景行之懷  
役不妨耕費不出氓金碧弗加京陵必辨所以防澆  
俗浮靡之漸蓋一舉也四善備焉超歸自嶺南見斯  
堂之復完幸我民之飲公福也爰不敢辭而爲之記

增修甘泉縣志

卷之十

古蹟下

齋

谷林堂舊在平山堂佛殿後同治九年運使方濬頤移  
建於平山堂後

洛春堂同治十一年運使方濬頤重建法淨寺左平遠  
樓亦同時建

冶春詩社舊在虹橋西岸冶春園內久圯同治九年運  
使方濬頤移建長春橋旁課桑局後

靈雨臺光緒六年重建

署兩淮鹽運使徐文達爲之記曰揚州古多名勝之  
區軍興而後均已蕩毀無存時際承平百廢俱舉所  
以寄游觀供憑眺者無不畧具規模至若往制之有



關於民事者獨不思修而復之非守土者之憾乎甘泉山在府西北三十五里大儀鄉高二十餘丈山勢巍然特立於重岡之上陵阜聯絡如列屏障有泉泠然味甘而冽相傳有漢厲王塚土人遇旱每鳴鼓致雨邑乘載乾隆七年張邑令宏運築臺於其巔以靈雨名之取詩所謂靈雨旣零也自是遂爲禱雨之所嘉慶十年額鹺使勒布增建廟宇祀龍王焉並將斯臺葺而新之自遭兵燹雖廟圯臺傾而山與泉無恙也歷任邑令皆因籌款綦難未敢遽請興築迨光緒丁丑邑令徐實庵觀察成敷始下車卽值歲旱深以

不克盡職爲慮捕蝗祈雨勤懇將事爰齊戒立壇取泉水以供立獲微雨而未能霑足復虔誠步禱於此山之上甫歸而大雨滂沱旣優旣渥大慰民心每欲捐廉重建此臺以復舊制嗣因公事紛繁心力交瘁致積勞成疾己卯之冬病已沉篤猶以斯臺未獲請修爲憾於是力疾稟陳懇求籌撥已檄准興工而觀察遽歸道山當令署上官司舒少尉霖監修旋以工費不敷請益於余余在揚有年矣始理精臺繼司儀棧久悉郡中善後事宜待修者甚多咸以經費支絀而止庚辰春權篆鹺使幸值庫藏稍充旣將天甯寺



平山堂諸勝跡擇要興修因增欵復築是臺重建龍王正殿及山門兩廡益壯觀瞻將見闔郡中蒙福佑迓休祥暘雨應時豐年屢慶實於斯臺攸繫焉而觀察之關心民瘼一息弗懈洵無忝乎守土之職後之人登臨懷古庶知興復之有由非徒以寄游觀供凭眺而已也

園林附

萬柳堂在公道橋東北八里阮文達公築有記

記曰京師萬柳堂者元平章廉文正希憲趙文敏孟頫宴集之地朱氏日下舊聞載之康熙時馮益都相增修甘泉縣志

國之亦園鴻博名流多集於此今改拈花寺嘉慶十五年余與朱野雲處士常游此地補栽花柳頗致延眷道光十八年

卷之十

古蹟下

奎

予告出都僧請書扁爲書元萬柳堂四字此京城東南隅之萬

柳堂也余家揚州郡城北四十四里僧道橋橋東八里赤岸湖有珠湖草堂乃先祖釣游之地嘉慶初先考復構田莊余曾在此刈麥捕魚致可樂也乃自此後二三十年皆沒於洪湖下洩之水樓莊多半傾圮幸鶯巢故在歸里次年從弟慎齋謂昔年水大深八九尺近年水小尙四五尺宜築圍隄北渚二叔亦以



爲然於是擇田之低者五百畝隄之而棄其太低者  
又慮與露筋祠相對湖寬二十里宜多栽柳以禦夏  
秋之水波取江洲細柳二萬枝遍插之兼伐湖岸柳  
條插之且舊莊本有老柳數百株隄內外每佃漁亦  
各有老柳數十株乃於莊門前署曰萬柳堂可以課  
稼觀魚返於先疇遠於塵俗數年後客有登露筋西  
望者可見此間柳色也今因詠萬柳堂分爲八詠一  
曰珠湖草堂二曰萬柳堂三曰柳堂荷雨四曰太平  
漁鄉五曰秋田歸穫六曰黃鳥隅七曰三十六陂亭  
八曰定香亭此揚州北湖之萬柳堂也

增修甘泉縣志

卷之十

古蹟下

七

阮公樓在公道橋西嘉慶年間阮元構二樓一在雷塘  
墓廬一在道橋家祠之右焦理堂題雷塘樓曰阮公  
樓四面九窗一東南曰曉帆古渡二南東曰隔江山  
色三南西曰湖角歸漁四西南曰墓田暮望五西中  
曰松楸疊翠六西北曰花莊觀穫七北西曰夕陽歸  
市八東北曰桑榆別業九北東曰齋心廟貌桑榆楊  
柳六十八株霜後紅葉滿窗與朝陽落照相掩映樹  
外圍牆數十丈墻外卽家中蔬圃圃外近湖有漁渡  
船雨後晴霽見隔江山色卽題曰湖光山色阮公樓  
本犀園在城北袁秋岳別業與雷塘阮公樓相近阮文



達公書匾額張封翁安保題楹聯云入夜濤聲秋盡  
猶聞淮子澗隔江山色春來先上阮公樓

### 半九書塾

焦循自記嘉慶己巳纂修郡志得修脯五百金以少  
半在黃珏橋買地五畝於雕菰洵中其形盤曲以大  
半於書塾旁起一小樓四旁置窗面柳背竹近望黃  
珏橋在東北半里許橋外卽白茆湖行人往來帆檣  
出沒漁燈牧唱春耕秋穫景盡納於牖樓之畔復置  
櫝以平生著述草稿藏之取洵之名以名樓曰雕菰  
樓樓北二老桑高百尺編竹作籬種蕉數木設石案

### 增修甘泉縣志

### 卷之十

古蹟下

矣

築小亭亭外植紅薇十數本黃梅一株疏繞書塾以  
垣圍其左不令梅與竹雜生日密梅花館右啟小門  
通塾循幼時讀書於此修葺明潔讀易其中近年以  
來多植雜卉悟得天元一正全乎易理以數窮易日  
坐室中苦思寂索別有撰述或賦詩詞

珠湖草堂在公道橋東北八里阮招勇將軍釣遊之地  
焦循有記

白茆草堂在白茆湖北吳少文太學讀書處也焦廷琥  
有記

雲莊在北湖旁阮實齋讀書之所貴池桂超萬有記



珠湖明月林莊在公道橋西州同談春元別墅阮文達  
公兩過其地書額以名以上新增

增修甘泉縣志

卷之十

古蹟下

堯



塚墓志

盤古塚

在縣西四十里上有盤古廟其象披髮席地而坐蓋古成都周公禮殿畫像也 大觀圖經

漢江都厲王胥塚

在縣東武鄉即今甘泉山 寶祐志

厲王塚歲旱鳴鼓遶之輒致雲雨 郡國志

漢江都王建塚

廣陵有塚相傳為漢江都王建之墓 幽明錄

孔融墓

增修甘泉縣志

卷之十

塚墓

一

廣陵有高士坊為融表也相傳融墓在其側據融為路文蔚所枉狀時被收許下則墓非其真也 萬曆縣志

又元李孝光平山堂詩駱駝坡頭孔融墓

張遼墓

在大儀鄉遼南伐歿於此 萬曆縣志

褚澄蕭廣墓

齊褚澄有遺書多言修養及醫藥事刻石十八片以為槨時太清三年題曰有齊褚澄所歸後為蕭廣所得遺命子淵復為槨淵用石一片刻叙其上葬於廣陵城北三十五里陳源橋久之亦被發書傳於世 塚記



互見  
碑碣

### 隋煬帝塚

在城西北十五里雷塘側大業十三年帝在江都爲  
宇文化及所弑蕭后與宮人撒牀簀爲棺葬於西院  
後右衛將軍陳稜守江都求得帝柩畧備儀衛改葬  
吳公臺下時唐武德元年也高祖平河南之後復移  
葬雷塘子齊王暕趙王杲燕王炎一時被害俱葬雷  
塘莫考其處貞觀二十二年蕭后卒太宗詔復其位  
號使護喪至江都與煬帝合葬又按康修撰海武功  
志縣西亦有煬帝塚爲武德三年八月辛亥高祖葬  
增修甘泉縣志

### 卷之十

塚墓

二

帝於此然帝弑江都當以雷塘爲的

萬歷縣志

### 蔡王塚

舊志云隋景王塚在郡之東興鄉煬帝子也按北史  
隋宗室諸王傳煬帝子無封景王者惟文帝之次弟  
整追封蔡王諡曰景卒於文帝未受禪之前並未及  
從煬帝巡幸江都整有子智積襲封蔡王大業中拜  
宗正卿從駕廣陵而歿史無諡號則葬於東興鄉者  
應是蔡王智積而非景王更非煬帝子也特更定之

雍正  
縣志

### 玉鈞斜



在吳公臺下隋煬帝葬宮人處

皇甫參軍弼墓

按唐羊士諤撰弼墓誌云以婺州參軍寔於江都之郊原今莫究其地

萬曆縣志

溲于芬墓

在江都蜀岡之北

嘉靖維揚志

張夫人墓

宋廣平先生配在縣絃歌里

同上

朱將軍瑾墓

瑾在唐爲兗州刺史朱溫攻之瑾奔楊行密大破梁

增修甘泉縣志

卷之十

塚墓

三

兵後以殺徐知誥滅族瑾名重江淮人畏之其死也屍之廣陵北門路人私其瘞之是時人多病瘡皆取其墳上土以水服之輒愈更益新土漸成高冢徐溫惡而發其屍投於雷塘後溫病屢夢瑾挽弓射之溫懼網其骨葬塘側

瑾本傳

南唐通事舍人王慎辭墓

慎辭有別業在廣陵西嘗與親友宴遊其上一日忽自愛其岡阜之勢嘆曰死必葬此是夜村中聞犬吠或起視之見慎辭獨騎徘徊逼視遂不復見自是夜夜恒至月餘慎辭卒竟葬其地

稽神錄



續志考正卽古蹟內王舍人別墅

張樞密康國墓

在東興鄉 萬厯縣志

秦端明定墓

在西山秦家莊定高郵人觀之諸父也 嘉靖維揚志

孫龍圖墓

在善應鄉 同上

續志考正名覺高郵人楊龜山集有孫龍圖墓志  
名諤字正臣邵武人葬江都顏村青龍岡之原未  
知孰是

增修甘泉縣志 卷之十

塚墓

四

王俊父墓

俊父其先如臯人宋徽宗親擢其文為第一蔡京邀  
見之不往又嘗建正論於宣和間卒葬揚州善應鄉

康熙府志

宋司諫諡忠肅陳瓘墓

瓘字瑩中南劍人宋元祐中嘗監揚州糧料院後為  
司諫以極論蔡京安置通州再移台州卒葬於揚州  
之西山 同上

光祿少卿晁宗格墓

續志考正又見碑碣



在廣陵鄉曾鞏墓誌銘公姓晁氏其先家濟州之鉅野今爲開封祥符人考諱邁尙書駕部員外郎贈封開府儀同三司吏部尙書皇祖佺贈太傅皇曾祖諱憲贈某官公諱宗格字世恭少以世父太子少保贈某官諡文元諱迥恩補將作監簿十四遷至光祿少卿歷監單州應天府酒稅知蘇州之常熟婺州之蘭溪縣事通判安州杭州事知通州虔州提點廣南東路刑獄公事又知信州泉州享年六十有三熙寧二年某月某甲子卒於官四年某月某甲子與其夫人某縣君閩邱氏合葬於揚州江都縣之廣陵鄉公爲

人樂易慈恕寡言笑人不見其喜怒遇事果於有爲人亦罕能及者其爲常熟修學校理溝防人賴其利爲蘭溪繩姦字窮境內和洽通判安州安州政待公而決通判杭州杭將矜己自肆上下莫能變公徐與之論可否語平而氣和將畏且從也由是上下倚公以治至今杭人稱之其爲虔州州近鹽多盜與訟公至修弛廢督姦彊威信盛行盜不敢發而獄無繫囚及在廣南其用法常寬而欲人自避曰治有先後緩急者謂此也其視部吏孜孜恐失一善而惡人亦莫敢犯公法其爲通判如廣南爲信州泉州如虔州所至



人皆安公之政而去常思之蓋公之行已居官而見於事者如此而其大抵於仁厚最隆也母張氏壽安縣太君子男二人曰仲景海州司理參軍曰仲儒試將作監主簿孫男三人曰端復曰端儼皆太廟齋郎曰某未仕也女六人長適太常博士集賢校理曾鞏銘公墓者也次適某官劉某某官高元振某官燕若濟今存惟燕氏婦餘早世閭邱夫人爲身治家皆應儀度卒於公歿之明年某月某甲子公歿家無餘財而仲景仲儒皆謹厚自刻勵能世其先人於是又知公之教行於其家也銘曰晁氏來西大有文元有卿

有公繼屬縣縣曰卿謂誰時維光祿作其德音光於外服其光伊何有善自身匪飾匪雕璞玉之純治有恩威時其張弛彼畏此懷吾寧一理於虔於泉於嶺之南里安戶擾罔有不咸宜壽而昌胡不百齡尙茲介祉維後之成

元豐類稿

萬壽令張斯立墓

在蜀岡之南馬坊原

續志考正亦見碑碣斯立字挺卿揚州人蘇頌爲志

墓

萬壽令張君夫人蘇氏墓



蘇魏公頌妹誌銘皆魏公撰

黃公塚

廣陵郡東界有黃公塚高墳二所前有一井面廣數尺每旱不竭有人於其中得銅斧及鐘各一又云江都郡東界有黃公墳三所陰天恒聞有鞀鼓之聲異苑

秦九女塚

在城西北三十里今名九女澗以塚在澗側也明大學士楊士奇有神道碑萬歷縣志

定西侯蔣雲墓

在城西金匱山正統間勳臣蔣貴父也以貴功封上

增修甘泉縣志

卷之十

塚墓

七

刑部左侍郎葉相墓

在北門外瀕河同上

南京光祿卿安金墓

在城西十里萬松菴萬歷縣志

南京兵部尚書王軌墓

在城西十里雷塘同上

南京兵部尚書王軌夫人何氏墓

在雷塘嘉靖縣志

太子太保南京戶部尚書高銓墓

在城西一十里仙人掌以其地類人掌因名相傳其



下爲宋秦觀窆大學士李東陽表 萬歷縣志

續志考正亦見碑碣

太僕卿盛儀墓

在禪智寺左翁仲石馬尚存 康熙府志

指揮使張恒墓

在善應鄉法海寺側 雍正府志

戎政侍郎蔣應奎墓

在城西北馬鞍山 康熙府志

總制都御史諡襄愍曾銑墓

在城西金匱山隆慶中給事中辛自修御史張好問

增修甘泉縣志

卷之十

塚墓

八

疏銑冤賜祭葬 同上

贈太僕卿諡忠節郝景春墓

在金匱山景春殉難於楚其遺骸葬湖南之房邑此

葬衣冠處也 同上

督師大學士史可法墓

在廣儲門外梅花嶺石可法殉節揚州不得其屍養

子史得威招魂葬衣冠於此 雍正府志

太常少卿贈宮保禮部尚書李茂材墓

在城北淮子河側 同上

西域僧補好了墓



在大東門外官河岸東好丁以遊方至廣陵卒葬於此俗謂回回墳

萬歷縣志

喬貞女墓

在鐵佛寺前貞女事載列傳巡按唐世濟表其墓

康熙

府志

國朝沙縣令贈僉事董潏墓

在甘泉山

同上

諭葬少傅將軍揚捷墓

在城西翁家山

同上

續志考正墓在天長境不隸甘邑

增修甘泉縣志

卷之十

塚墓

九

孝子蕭日曠墓

在廣儲門外梅花嶺其妻俞氏以節婦旌表附葬

同上

處士雷士俊墓

在邵伯鎮艾陵湖東王巖為作墓銘

雍正府志

池烈女墓

在平山堂右題准

旌表

同上

霍烈女墓

在平山堂右督學中允楊中訥為之銘載列傳題准

旌表

同上

裔烈婦墓



在平山堂右知府孔毓璞表其墓題准 表旌 同上

項烈婦程氏墓

在平山堂右知縣王元穉為之題碣題准 旌表 同上

陳烈婦周氏墓

在平山堂右有司題准 旌表 墓表馬榮撰

史孝婦王氏墓

在鐵佛寺西 雍正府志

張節婦劉氏墓

在城西法海寺河東區八圖

明山西右布政閻士選墓

增修甘泉縣志 卷之十 塚墓 十一

在城北三十里火燒橋

明刑部主政閻汝梅墓

在城北五十里僧道橋

楊氏老祖墳

在西門四鋪地方葬元進士揚州路同知楊敬一 至

今子孫稱盛代有科名俗訛呼老女墳

明禮部侍郎邱民墓

在禪智寺前

明諭葬大學士諡文定李春芳墓

在府城西三十里宏恩寺側文定興化人葬此



以上原志

楊吳淮南副使陸洎墓在茱萸灣

楊吳楚州刺史李承嗣墓在陸洎墓北並見十國春秋  
元集賢大學士光祿大夫李衍墓見蘇天爵志銘子黃  
巖州知州士行祔亦天爵銘

元太保趙省一墓在甘泉山東大儀鄉旁有太保墩曾  
孫輝尙明太祖第十六女寶慶公主

明顧侯墓在揚獸垣有石人石馬土人相傳爲顧侯墓  
顧氏在明世襲侯封當是鎮遠侯成之後特未詳何人  
耳嚴嵩集有鎮遠侯太夫人墓志銘合葬揚州長子寔

增修甘泉縣志

卷之十

塚墓

十一

卽嗣侯封者

懷遠將軍之墓在新城石牌樓有一大石碣峙民廬勒  
此六字碑旁彷彿有成化三年字

明四川總兵王繩堯墓在邵伯鎮南李家橋

明慈溪縣知縣王玉藻墓在城西雙墩

明貢生陸弼墓在平山堂下新教場西南隅

按弼嘗輯江都志

國朝詩人閔麟嗣墓在法海寺前官路右側泰州張符  
驤有墓表

禪智山光好墓田唐人詠之幸皆甘境也郊外蓬



穎彌望其有名德可紀者有司例申樵採之禁前志不載義塚斷岸頽岡暴骸累累好事者篤掩埋之誼未可沒其仁并迷其地也附列於後惜其有遺者

南陽府知府張在澤墓

在黃花嶺

鄉賢工科給事中許承宣墓

在盤古山

編修蔣繼軾墓

在邵伯鎮水星廟東寶應王懋竑撰銘

增修甘泉縣志

卷之十

塚墓

十三

湖北按察使唐繼祖墓

在西鄉關家山

直隸大名道楊懋紹墓

在北鄉雨膏橋

誥贈光祿大夫戶部尚書戴公墓

在西鄉東浮橋今協辦大學士戴衢亨曾祖

浙江湖州府知府禮部郎中唐紹祖墓

在西鄉官塘

雲南鹽驛道劉謙墓

在槐子河耐父墓



誥贈光祿大夫戶部侍郎招勇將軍阮玉堂墓

在雷塘中壩子封戶部侍郎承信祔

資政大夫江西巡撫唐綏祖墓

在城西官塘嘉興錢陳羣撰銘子雲南迤西道展衡

祔鎮洋畢沅撰銘

戶科給事中張馨墓

在西鄉慕義莊桐城張若淮撰銘

副都御史申甫墓

在雷塘尹家濠

湖南岳常澧道秦黻墓

增修甘泉縣志

卷之十

塚墓

十三

在北鄉

鄉賢進士李道南墓

在西門外陶家沖

刑部侍郎謝溶生墓

在西門外七里店碾子頭

編修張坦墓

在西鄉蓮花址陽湖趙翼撰銘

山東兗沂曹道唐侍陞墓

在西鄉陶家村錢塘吳錫麒撰銘

編修吳紹潔墓



在西鄉白洋山

詩人朱老匏冕墓

在上方寺西沈家山

奚貞女墓

在黃珏橋西壩基頭女字許學海許死女年十七臨喪成服有議婚者卽絕食求死依父母以卒葬日里中士爭輓之邑令龔鑑表其墓曰玉潔冰堅俗呼其地爲奚家老女兒墳

銀錠橋古墓

在陳家集南半里嘉慶十二年五月十一日土人開

增修甘泉縣志

卷之十

塚墓

十四

塘取水見古棺二有榔榔外周列木欄已半朽墓中存鐵劍一瓦瓶四銅鏡一及五銖錢累累無銘志可辨識聞于官而掩焉

掃垢山古墓

在秋雨庵左叢冢曲徑中向爲童兒戲嬉地一日地忽陷一大穴諸童趨入拾大觀錢數十枚穴旁鱗比甃磚作圓頂頂下容三四人中半有石門扃閉庵僧聞而填揜之事在嘉慶十二年七月

附義冢

乾隆四十三年商人江廣達等買西山空地七十畝爲



義冢又田二十畝付僧耕種

五十二年知縣陳太初施田二十畝在仙女鄉半孤庵  
東南

又民人陳學達施田三畝在仙女鄉極樂庵旁

又民人陳昇臯施田二畝在周墅鄉人字河東孟家口  
嘉慶十二年把總楊廷璧施田六畝在半孤庵東北  
又拔貢生陳景賢施田二畝在西門外秋雨庵後

以上續志

寶女墩在楊獸醫壩南十里相傳隋宮人寶兒葬處

岳家墓在大儀集西南半里許宋韓世忠駐守京口時

增修甘泉縣志

卷之十

塚墓

五

金兀朮敗走於天長關武穆公長子岳雲追敗之大  
儀積屍如山築爲京觀相傳爲岳家墓云

明萬曆乙未進士開封府知府徐天寵墓在張家渡

明兗州府知府呂綸墓在公道橋鎮北陳督學懋修有

碑記

十二烈女墓在廣儲門外梅花嶺側

湖廣荆南道參政從祀鄉賢陳卓墓在歐陽墩

蕭孝子墓在廣儲門外

直隸大名道楊懋緒墓在雨膏橋

續志緒  
作紹

處士王方魏墓在誦芬莊太守伊秉綬書碑



鄉飲大賓許承宗墓在公道橋

兵部給事中許承家墓在公道橋西

孝子房永興墓在陳家冲

孝子湯世泰墓在公懋莊

湖南岳常澧道秦覺墓在裔家集

續志注  
在北鄉

拔貢生汪中墓在城北上方寺側知府伊秉綬題碣

通儒舉人焦循墓在黃珏橋阮文達公撰墓碑

諭葬體仁閣大學士贈太傅諡文達阮元墓在城北雷塘

諭葬刑部尚書贈太子太保史致儼墓在城西二十里廟山

諭葬兩湖總督諡文節吳文鎔墓在西鄉金匱山華嚴巷

增修甘泉縣志

卷之十

塚墓

六

直隸清河道署按察司阮常生墓在白洋山

舉人梅植之墓在西鄉施家冲儀徵相國阮元題碣

徵士范凌夔墓在上方寺東顧家下莊

孝子楊俊其墓在楊懋緒墓側

按楊懋緒墓有丙舍多誦芬山莊焦循有記載在北

湖小志咸豐戊午燬於兵火懋緒裔孫澍葬其本生

父俊其於墓側重建山莊以復舊觀更於墓之西偏

栽松柏植芰蓮蒼翠蔥蘢與山色湖光相掩映不僅

如焦循記中所云長廊曲榭芍藥梅花已也

傳畧

丁古集義塚二



查丁古集鎮西有殉難兵丁義塚二始於咸豐九年十月間官兵由六合退守揚州後隊於該處遇賊接仗因眾寡不敵陣亡多名尸橫遍野逾十日方掩埋二塚合計三百餘名

据舊案錄

以上新增





